




Sov. 27 Februar 1863





АКАДЕМИЯ НАУК АРМЯНСКОЙ ССР
ПРАВЛЕНИЕ ОБЩЕСТВА «ЗНАНИЕ»

МИНАС САРГСЯН

И.К.
АЙВАЗОВСКИЙ



ИЗДАТЕЛЬСТВО АКАДЕМИИ НАУК АРМЯНСКОЙ ССР
ЕРЕВАН 1967

ՀԱՅԿԱԿԱՆ ՍՈՅ ԳԻՏՈՒԹՅՈՒՆՆԵՐԻ ԱԿԱԴԵՄԻԱ.

«ԳԻՏԵԼԻՔ» ԸՆԿԵՐՈՒԹՅԱՆ ՎԱՐՉՈՒԹՅՈՒՆ

ՄԻՆԱՍ ՄԱՐԳԱՅԱՆ

ՀՈՎՀԱՆՆԵՍ ԱՅՎԱՋՈՎԱԿԻ

A $\frac{\pi}{4/3 \cdot 22}$



ՀԱՅԿԱԿԱՆ ՍՈՅ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՏԱՐԱԿՁՈՒԹՅՈՒՆ
ԵՐԵՎԱՆ

1967

Խմբագրությամբ Գ. Ա. Գյուրջյանի

Աշխարհահոլուկ ծովանձորիշ Հովհաննես Այլաղովսկին խոչոր տեղ է գրավում հայ և ոռւս նկարչության մեջ: Նրա բազմաթիվ ու բարձրարվեստ ստեղծագործությունները, երկարատև՝ ավելի քան 60-ամյա բեղմնավոր գործունեությունը եղել են եղբայրական երկու ժողովուրդների գեղարվեստական մշակույթի փոխադարձ հարստացման ու սերտ կապերի ցայտուն արտահայտություններից մեկը XIX դարի կերպարվեստի պատմության մեջ:

Հովհաննես Այլաղովսկին ծնվել է 1817 թ. հունիսի 17-ին Ղրիմի Թեոդոսիա հայաբնակ քաղաքում, հայ ընտանիքում: Նրա հայրը՝ Կոնստանդինը, շատ երկրներ շրջագայած մարդ էր և գիտեր բազմաթիվ լեզուներ: Իր եղբայրների հետ ունեցած ընտանեկան ներքին անհամաձայնության պատճառով նա հեռանում է Գալիցիայից (Լեհաստան), ուր բնակություն էին հաստատել Արևմտյան Հայաստանից XVII—XVIII դարերում գաղթած բազմահազար հայերի հետ նաև նրա Այլաղ (կամ Հայլաղ) կոչված պապերը և տեղափոխվում Մոլդավիա, ապա Բուքովինիա, որտեղից էլ մեկնում է Թեոդոսիա (Ղրիմ), ուր և մշտական բնակություն է հաստատում: Այստեղ էլ սնանկացած առևտրականի ընտանիքում, Հոփիսիմի մորից ծնվում է Հովհաննեսը, երրորդ որդին Փրիգորից և Գաբրիելից հետո, որոնք, ինչպես և երկու քույրերը, մկրտվում են հայոց եկեղեցում՝ Գրիգոր լուսավորչական դավանանքի կանոններով:


Հովհ. Այլաղովսկին սկզբնական կրթությունն ստանում է Թեոդոսիայի հայոց ծխական դպրոցում, այնուհետև՝ Սիմֆերոպոլի ոռւսական գիմնազիայում, ուր հանդիս բերելով նկարչական բարձր ընդունակություններ տեղափոխվում է Պետերբուրգ և 1833 թվականից



Նկարչի մոր՝ Հոփհովիսի դիմանկարը. 1849

սովորում գեղարվեստի ակադեմիայի բնանկարչության դասարանում, պրոֆ. Մ. Ն. Վորոբյովի մոտ:

Այստեղ նա արագ առաջադիմում է: Ուսանելու տարիներին, ակադեմիական ծրագրերից դուրս նա նկարում է «Ծովածոցը Պետերբուրգի շրջակայքում», «Ծովի վրայի օդը» էտյուդը, «Նավերը Կրոնշտադտում», «Ծովափը գիշեր ժամանակ» և վերջապես «Անդորր» (1837), որի համար նա ստանում է ոսկե մեդալ: Այդ պատկերներով նա 1830-ական թվականներին մասնակցում է ուսունակարիչների պետերբուրգյան ցուցահանդեսներին և արժանանում ակադեմիայի պրոֆեսորների խրախուսանքներին ու մամուլի բարձր զնահատությանը: «Ծովային տեսարանների պատկերները՝ բնանկարչության այդ տեսակը, մեզ մոտ դեռևս փոքրաթիվ են, — գրում է 1836 թ. Պետերբուրգում լույս տեսնող «Խուզովիստվեննայա գաղեաա» թերթը:



Նկարչի հոր՝ Կոնստանդնի գիմանկարը

և նշելով պրոֆեսորների հետ ցուցազրկող ուսանող Այլազովսկու ստեղծագործությունները, ավելացնում է, որ նրա «Երկու պատկերները, որոնք ներկայացնում են գեղի կրոնշտագտ գնացող նավ» և Հոլանդական մի առագաստանավ բաց ծովում, խոսում են առանց կողմնակի ակնարկների, որ տաղանդը նկարչին կտանի հեռու: Բնականի ուսումնասիրությունը կբացի մնացած գանձերը, որոնց մասին այժմ տաղանդը միայն ենթադրվում է... Այլազովսկու ստեղծագործությունները այժմ հիացնում, աշքի են ընկնում...»:

Ծնորհիվ իր արտակարգ ընդունակությունների և աշխատասիրության, Հովհ. Այլազովսկին ուսման 6 տարվա դասընթացը յուրացնում է 4 տարում և 2 տարի շուտ՝ 1837 թ. ավարտում է Պետերբուրգի գեղարվեստի ակադեմիան ոսկի մեդալով:

Պրոֆեսորական խորհրդի որոշմամբ 20-ամյա նկարիչը 2 տարով գործուղվում է Պրիմ ինքնուրուց աշխատանքի: Այստեղ նա մուտիկից ուսումնասիրում է ծովային բնությունը, մասնակցում ուսւ ծովայինների զորաշարժերին և նկարում ծովափնյա տեսարաններ ու կանաչավետ բնության պատկերներ, որոնցից մի քանիսը («Յալթա», «Ծովափը», «Լուսնյակ գիշեր») 1839 և 1840 թթ. ցուցադրվում են Պետերբուրգի նկարիչների ցուցահանդեսներում:

Զեռք բերելով պատ և ինքնուրուց աշխատանքի որոշ փորձ, Այվազովսկին, ակադեմիայից ստացած իր ամսական թոշակի մի մասը հատկացնելով ծնողներին, 1840 թ. հունիսին 6 տարի ժամանակով, ակադեմիայի հաշվին մեկնում է իտալիա կատարելագործվելու: Նա լինում է իտալիայի և Արևմտյան Եվրոպայի մյուս երկրների համարյա բոլոր զինավոր և ծովափնյա քաղաքներում, այցելում թանգարանները, տեսարժան վայրերը, դիտում պատմական ու գեղարվեստական հուշարձանները, ուսումնասիրում անտիկ շրջանի, վերածննդի հանճարեղ նկարիչների ու քանդակագործների ստեղծագործությունները, հանդիպում և զրուցում է իտալիացի, ֆրանսիացի, հոլանդացի, իսպանացի, անգլիացի, գանիֆացի, ուսւ և հայ մշակույթի շատ գործիչների հետ, ամենուր և անընդհատ հարստացնելով իր գիտելիքները: «Ես տեսա Ռաֆայելի և Միքել-Անդրեյի ստեղծագործությունները, — գրում է նա իր բարեկամներից մեկին Հոռմից 1842 թ. — տեսա Կոլիզեյը, Պետրոսի և Պողոսի եկեղեցին և այլն, և այլն: Նայելով հանճարների ստեղծագործություններին՝ այդ հսկաներին, զգում ես քո ոչնչությունը: Այստեղ մի օրը ամբողջ տարի արժե: Ես մեղմի պես ծաղկանոցից մեղք եմ ծծում»¹:

Համաշխարհային արվեստի ծաղկանոցներում մեղմի ժրաշանությամբ աշխատող երիտասարդ Այվազովսկին կատարելագործում է իր մասնագիտական ունակությունները և 1840—1841 թթ. ստեղծում է ծովանկարներ, որոնք տեղի արվեստասեր հասարակության մեջ մեծ հետաքրքրություն են առաջացնում: Նրա նկարները վաճառվում են բարձր գներով և արագորեն:

1842 թ. Հոռմում բացած նրա անհատական ցուցահանդեսը դառնում է խոշոր երևույթ իտալիացի մայրաքաղաքում: Թերթերը մեծ գովեստով են խոսում նրա մասին: Առանձնապես հիացմունք են

1 «Русская старина», 1878, т. 22, стр. 441—442.

առաջացնում «Փոթորիկ» և «Քառոս» պատկերները, որոնք հետաքրքր-քըրում են նույնիսկ Հռոմի պալիին և երիտասարդ նկարչին հրավիրելով իր մոտ, նրան նվիրում է ոսկե մեղալ՝ «Քառոս» պատկերի համար:

Այդ ժամանակ Հռոմում գտնվող ոռւս մեծ գրող Ն. Գոգոլը մի խնջուցքում դառնալով նկարչին բացականշում է. «Վանյա, փոքրիկ մարդ, նեայի ափերից եկար դու Հռոմ և իսկուն «Քառոս» ստեղծեցիր Վատիկանում...»։ Անզիացի մեծահամբավ ծովանկարիչ Զ. Տյորները բարձր գնահատելով Այվազովսկու արվեստը, գրում և նվիրում է նրան մի բանաստեղծություն, որի մեջ երիտասարդ նկարչին համարում է հանճար՝ «քեզ ոգեշնչում է հանճարը», գրում է նաև Հովհ. Այվազովսկու ծովանկարները իտալիայում չերմ ընդունելություն են գտնում։ Վենետիկում բացած ցուցահանդեսը տեսնելու համար, ինչպես գրում են իտալական թերթերը, առավոտից մինչև երեկո երկար հերթեր են գոյանում։ «Վենետիկու մեջ հանդիսացած պատկերները հարկ եղավ որ տերության ղինվորներով պաշտպանէ, այնչափ խուռն բազմություն տեսնելու կվազեին» վկայում է հայկական ամսագիրը¹։ Իտալացի և այստեղ գտնվող օտարերկրյա շատ նկարիչներ, հրապուրված Այվազովսկու ստեղծագործություններով ու նրա ինքնօրինակ ոճով, սկսում են նկարել ծովանկարներ նրա նմանողությամբ։ «Ա լա Այվազովսկի» արտահայտությունը դառնում է տիրապետող այդ ժամանակ։

Հովհ. Այվազովսկու համբավն արագորեն տարածվում է Եվրոպայում։ Նրա ստեղծագործություններն ու ցուցահանդեսները ամենուր ջերմությամբ են ընդունվում։ Այդ ժամանակ էլ նա ընտրվում է իտալայի, Ֆրանսիայի և Նիդերլանդիայի գեղարվեստի ակադեմիաների իսկական անդամ։ 1844 թ. ոռոսական գեղարվեստի ակադեմիան ևս, ոռւս առաջավոր արվեստագետների պահանջով, նրանը ընտրում է ակադեմիկոս։ Այսպիսով, 27 տարեկան հասակում Այվազովսկին, որպես առաջնակարգ ծովանկարիչ, դառնում է շորս երկրների գեղարվեստի ակադեմիաների իսկական անդամ, ձեռք բերելով եվրոպական համընդհանուր ճանաչում։ «Ուրախալի է գիտակցել այն, որ անպտուղ չեն անցել ինձ համար երիտասարդության այն երջանիկ տարիները, որ ևս, իմ ուժերի և ընդունակությունների սահմաններում արդարացրի իմ նկատմամբ ցուցարերած

¹ «Մասեաց աղավնի», 1857, էջ 277։

այն բարերարությունը և հուզմերը, որոնք ինձ վրա էին դրել իմ հայրենակիցները, — գրում է նա իր ինքնակենսագրականում, ավելացնելով, — Հռոմը, Նեապոլը, Վենետիկը, Փարիզը, Լոնդոնը, Ամստերդամը արժանացրին ինձ ամենաշերժ խրախոսանքի և ներուստ և շեմ կարող չհպարտանալ օտար երկրներում իմ ունեցած հաջողություններից, կանխազգալով համակրական ընդունելություն հայրենիքում»¹:


1844 թ. աշնանը, ժամկետից 2 տարի շուտ, Հովհ. Այվազովսկին վերադառնում է Հայրենիք և ամբողջապես նվիրվում ստեղծագործության: Այդ ժամանակ ոռւսական կայսրը պատվիրում է նրան Մերձբալթյան ծովային ամրոցների (Կրոնշտադտ, Ռևել, Սվեաբորգ) և Սևծովյան նավահանգստների պատկերներ, լավ վարձատրելով երիտասարդ նկարչին: Նույն տարում՝ 1844 թ. սեպտեմբերի 12-ին Ռուսական ռազմածովային մինիստրությունը որոշում է կայացնում Հովհ. Այվազովսկուն ճանաչել ռազմածովային նավատորմի գլխավոր ծովային շտաբում որպես շտաբային նկարիչ ծովային՝ մինիստրության մունդիր կրելու իրավունքով, այն հաշվով, որ այդ կոչումը համարվի պատվավոր:

Պետերբուրգում մի քանի պատկեր նկարելուց հետո Այվազովսկին մեկնում է Ղրիմ, ուր և հաստատում է մշտական բնակություն: Այստեղ՝ Թեոդոսիայում, 1846 թ. նա իր նախագծով կառուցում է երկհարկանի սեփական մենատուն և արքեստանոց, ուր աշխատում է օրն ի բուն, շրջապատված իր հարազատներով և հայրենակիցներով:

Սակայն հեռավոր հարավում մշտական բնակություն հաստատելը գուր չի գալիս ոռւսաց կայսեր Նիկոլային, որը ցանկանում էր նրան դարձնել պալատական նկարիչ և մտցնել իր շքախմբի մեջ: Նա իր պալատականների միջոցով փորձում էր համոզել Այվազովսկուն, որ նա մշտապես ապրի Պետերբուրգում՝ արքունիքին մոտ, բայց տեսնելով, որ այդ խորհուրդը չի ազգում նրա վրա, ժամանակակիցների վկայությամբ, Նիկոլայը թափահարելով թևերը, ասում է. «Ինչքան ել գայլին կերակրես, այնուամենայնիվ, նա միշտ գեղի անտառ է նայում»:

Այդ ժամանակվանից սկսած Հովհ. Այվազովսկին մշտապես, տարվա մեծ մասը՝ վաղ գարնանից մինչև ուշ աշուն, ապրում և

¹ «Русская старина», 1878, т. 22, стр. 427.




թեղողական. 1865

ստեղծագործում է Թեոդոսիայում, իսկ ձմռան ամիսներին անց է կացնում Պետքըուրգում՝ մասնակցելով ոռւս նկարիչների ցուցահանդեսներին:

Իր կյանքի և գործունեության ընթացքում Հովհ. Այվազովսկին շատ է ճանապարհորդում: 1845 թ. նա մասնակցում է ոռւս ծովակալ Ֆ. Լիտկեի էքսպեդիցիային, նավարկելով Թուրքիայի արևմտյան ափերով, շրջագայում Փոքր Ասիայի և Միջերկրական ծովի մյուս ափերը: Նա լինում է Կոստանդնուպոլիսում, այցելում Խիոս, Պատմոս, Սամոս, Լեմնոս, Ռոդոս, Լեսբոս կղզիները, գիտում հին Տրոյայի ավերակները և Սինոպը: Այդ ճանապարհորդությունը նրան տալիս է էտյուդների և էսթիզների առատ նյութ, որոնք մի ալբոմում ամփոփված այժմ պահվում են Մոսկվայի պետական կենտրոնական գրական արխիվում: Հետաքրքրական է նկատել, որ այդ ալբոմի նկարների տակ Այվազովսկին ստորագրել է «Այվազ էֆենդի»:

Այնուհետև նա բազմից ճանապարհորդում է եվրոպական երկրներում և ամեն տեղ, ուր լինում է նա՝ Փարիզում, Լոնդոնում, Բելինում, Կոստանդնուպոլիսում, Ամստերդամում, Նիցցայում, Հոռոմում, Վենետիկում, Վիեննայում, Վարչավայում կազմակերպում է իր ստեղծագործությունների ցուցահանդեսներ: 1868 թ. նա լինում է Անդրկովկասում, ուր Թիֆլիսում բացում է 12 պատկերներ ներկայացնող ցուցահանդես: 1869 թ. նա մասնակցում է Սուեզի ջրանցքի բացմանը, իսկ 1893 թ. մեկ ամսով մեկնում է Ամերիկա, ուր Նյու-Յորքում, Չիկագոյում և Սան-Ֆրանցիսկոյում բացում է ցուցահանդեսներ: Այդ ճանապարհորդությունների ընթացքում՝ նավերի մեջ, Հյուրանոցներում կամ բարեկամների մոտ, ուր որ իշխանում է, Այվազովսկին անընդհատ նկարում և ստեղծում է նոր պատկերներ, որոնք պարբերաբար ցուցադրելով իր այցելած երկրներում, նվաճում է աշխարհի բոլոր ժողովուրգների սերն ու հիացմունքը:

Իր երկարատև, ավելի քան 60 տարվա անընդմեջ ու բեղմնավոր գործունեության ընթացքում Հովհ. Այվազովսկին ստեղծում է շուրջ 6000 պատկեր, որոնց մեծագույն մասը ծովանկարներ են: Հովհաննես Այվազովսկին ծովը նկարել է օրվա տարբեր պահերին և տարբեր վիճակում: Ամենից ավելի նա պատկերել է ծովը փոթոքիկի, ալեկոծման ժամերին: Հանրահայտ է նրա «Խններորդ ալիքը» (1850) պատկերը, որը ներկայացնում է ալեկոծ ծովը վաղ առավոտ-



Մասպատճառ. 1845, սեպիա

յան: Շատ բան չի նկարված՝ այստեղ՝ ընդամենը երեք-չորս ալիք, սակայն նրանցից մեկը՝ «իններորդը», պատկերված է այնպիսի ուժով և այնքան մեծ ու շարժման հսկայական թափով, որ հենց միայն նրանով արդեն զգացվում է փոթորկոտ ծովի ահեղությունն ու մոտալուս վտանգը: Արեկի ոսկեզօծ առաջին ճառագայթներից լուսավորված իններորդ ալիքը հզոր ուժով բարձրացել է մյուսներից վեր և թվում է, թե ահա ուր որ է կիւլի այն դժբախտ մարդկանց վրա, որոնք կառչել են խորտակված նավի ջարդված կայմի բեկորից: Նրանց կործանման վտանգը աշքի առաջ է: Սակայն, չնայած ողբերդական դրությանը, այդ խիզախ մարդիկ շեն կորցրել իրենց փրկության հույսը, նրանք նույնիսկ համակված են իրար օգնելու ոգով և իրոք, ինչպես նկարել է Այվազովսկին, օգնում են միմյանց: Դրանցից մեկը արդեն կախվել է գլխիվայր գեպի ծովը և կիսով չափ ընկըզմվել ջրի մեջ, մյուսը՝ ինքն էլ վտանգի մեջ, բռնել է նրան փրկելու համար: Մի ուրիշ դժբախտ ձեռքը և հայացքը գեպի լուսաշող հորիզոնն ուղղած փրկություն է աղեքսում:

Չնայած կործանման մոտալուս վտանգին, որն այնքան պարզորշ պատկերված է աշքի առաջ, դիտողը, այնուամենայնիվ, ներքին ինչ որ մղումով, մտածում է, որ նրանք կիրկվեն: Այվազովսկին կարողացել է ամենաահեղ վտանգի պահին հանճարեղ կերպով տալ նաև փրկության հույսի զգացումը, որը համակում է դիտողին: Այդ է հաստատում գիշերային մոայլ խավարում ծովի կատաղի ջրերի վրա հորիզոնից առկայցող արեկի ջերմ ճառագայթների գծած լուսափացը ճանապարհը, գեպի որը ուղղված են վտանգի հնթակա մարդկանց հայացքները և ջարդված կայմի շարժման ուղղությունը:

Սովային տարերքի ահավոր պահին, կործանման վտանգի առաջ կանգնած մարդկանց կողմից միմյանց օգնության ձեռք մեկնելու և հորիզոնում երեացող արեկի ջերմաշունչ ճառագայթները փրկության հույս են ներշնչում: Այստեղ իրար են հակադրված բնության ահեղ տարերքը և կյանքի համար մարդկանց համառ, քաջարի պայքարը: Այդ կատաղի և ողբերգական պայքարում, ինչպես տեսնում ենք այս պատկերում, մարդիկ հանգես են գալիս որպես իսկական հերոսներ, որոնք լարված, մեծագույն ուժերով դիմագրում են կործանմանը: Նկարիչն այստեղ արտահայտել է մարդկային հոգու վեհությունը:



Բննկության ալիք. 1850

Ահարկու վտանգի պահին մարդկանց դրսեորած հոգու վեհությունը՝ միմյանց օգնելու հումանիտարական գաղափարը, որն իր արտացոլումն է գտել դրանից առաջ ստեղծված Կ. Բրյուլովի «Պոմպեյ վերջին օրերը» մեծակտավ պատկերի մեջ (1834), արտահայտում էր ժամանակի առաջադիմական հայացքները: Հովհ. Այվազովսկին լինելով նույն շրջանի և նույն միջավայրի արվեստագետ, բնականաբար արտացոլել է այստեղ իր ժամանակի առաջավոր մարդասիրական գաղափարներ:

«Իններորդ ալիքը» ստեղծագործության մեջ ծովի ալեկոծման տեսարանը, ինչպես և փոթորկալից կամ խոռվահուզգ բնության այլ պատկերների մեջ, Այվազովսկին շի արտահայտում անվերապահորեն կործանման կամ մոտալուտ մահվան գաղափարը, այլ վերարտադրում է ծովի այդ տարերքը որոշ թեթևությամբ՝ այն հազվագեն ու գեղեցիկ տեսարանները, որոնց մեջ ապրում և իր կամքն է կոփում մարդը: Այստեղ նկատվող որոշ էֆեկտայնությունը, որն արտահայտվում է չափազանց ջերմ, դեղնանարնջավուն կոլորիտի մեջ, զգալիորեն նպաստում է պատկերի խիստ դրամատիկ բովանդակության մեղմացմանը: Նկարում արեկի լույսը, որ թափանցել է օվկիանոսի ջրերի մեջ և ջերմացրել է հորիզոնը, միաժամանակ ուժեղացրել է պատկերի ընդհանուր, լավատեսական ոգին: Փոթորկուածովի վրա բացվող վաղորդյան գունագեղությունը Այվազովսկին պատկերել է ներկապնակի ամենապայծառ գույներով և ոռմանտիկական թափով: Նա աշքի է ընկնում կատարման թեթևությամբ ու փայլով: Դա նորություն էր այն ժամանակվա բնանկարչության մեջ: Այդ նորությը, ամենից առաջ, նրա հերոսական բովանդակության մեջ էր՝ բնանկարչության մեջ նրա մուծած արևելյան հախուն տեմպերամենը, կենսահաստատության ուժը և կերպարների վեհությունը:

«Իններորդ ալիքը» դարձավ Այվազովսկու ստեղծագործությունների առաջին շրջանի բնորոշ պատկերը: Իր հիմքով ուեալիտական այս ստեղծագործության մեջ առկա է ժամանակակից պրոգրեսիվ ոռմանտիզմի շունչը:

Հովհ. Այվազովսկու վաղ շրջանի ստեղծագործություններում նկատվող այդ ոռմանտիզմը և որոշ էֆեկտայնությունը երևան է եղել նաև «Երեկո Վենետիկում» (1843), «Նավաբեկում», «Վենետիկ» (1849), «Մելել» (1844) պատկերներում և Հայաստանի պետական

A II
4/322




Զինուրանիկը ծովագիհն. 1852

պատկերասրահում ցուցադրվող «Նավաբեկությունից փրկվողները» (1844), «Զկնորսները ծովագին» (1852), «Արևածագը Թեոդոսիայում» (1855) նկարների մեջ:

Հետագայում՝ 70—80-ական թվականներին նա ստեղծում է խորապես ռեալիստական պատկերներ, որոնցից առավել բնորոշ է «Սև ծովը» մոնումենտալ ստեղծագործությունը: «Այս պատկերի մեջ ոչինչ չկա բացի օդից և ջրից,—գրում է ոռուս նշանավոր նկարիչ և քննադատ ի. Կրամսկոյը,—դա անսահման օվկիանոս է, ո՛չ փոթորկալից, բայց ալեկոծվող, խիստ, անվերջ, իսկ երկինքն է՛լ ավելի անծայր: Դա մեկն է այն մեծագույն պատկերներից, որպիսիք ես գիտեմ»: Կրամսկոյը նշում է, որ նրա ժամանակակից շատ նկարիչներ «հիացած էին այդ պատկերի մտքով ու բարձր պոեզիայով»¹:

Այդ նույն շրջանի լավագույն ստեղծագործություններից են Հայաստանի պետական պատկերասրահի սեփականությունը կազմող «Վերջալույս», «Նեապոլի ծովածոցը մառախլապատ առավոտյան» (1874), «Քրիստափոր Կոլումբոս» (1880), «Անդրբրություն» (1892), «Արևածագ» և այլ պատկերներ: «Նեապոլի ծովախորշը մառախլապատ առավոտյան» մեծակտավ պատկերը ներկայացնում է այգաբացի տեսարան: Նկարիչը զարմանալի ճշտությամբ վերարտադրել է խոնավությամբ հագեցված վաղ առավոտվա օգային միշավայրը և հորիզոնում երևացող արևի առաջին ճառագայթները, որոնք ջերմացնում են արշալույսի այդ խաղաղ տեսարանը: Հարավային բնության ծովափնյա տեսարանին նկարիչը տվել է պլեներացին (բացօդյա) լուծում, ստեղծելով արթնացող օրվա պոետիկական պատկեր: Ինչպես միշտ, այս կտավում ևս, նկարիչը գրել է կենցաղային մոտիվ: Նա պատկերել է իտալացի աշխատավորի մի ընտանիք, որը էշով մրգեր է բերել ծովափ վաճառելու համար: Սա կյանքում դիտված առօրյա անցք է, որն այս կոմպոզիցիայում իր հաջող տեղը գտած լինելով, ավելի աշխույժ և գրավիչ է դարձել պատկերը: Ծովափը, խաղաղ, հայելապատ մակերեսով թափանցիկ չուրը, մարդիկ և առագաստանավերն այստեղ նկարված են համոզի և այնպիսի սուր դիտողականությամբ, որ նրանց տեսնելիս դիտողը զգում է իրեն ոչ այնքան պատկերի առաջ, որքան տեսարանի մեջ՝ բնության

1 «Книга для чтения по истории русского искусства, 1948, вып. IV, стр. 29.



Գրչանկար

գրկում: Դրանումն է այս ստեղծագործության գեղարվեստական արտահայտչականության ուժը:

Նույն շրջանում նկարած «Ծիածան», «Փոթորիկ Այա Հրվանդանի մոտ» (1875), «Ալեկոծություն ծովում» (1876) և ուրիշների մեջ նկարիչը դարձյալ պատկերել է ալեկոծման տեսարաններ: Այդ պատկերներում մեծ ծովանկարիչը համոզիլ կերպով ցույց է տալիս, որ անհավասար ուժերի՝ բնության ահեղ տարերքի և մարդկանց կամքի միջև տեղի ունեցող օրհասական պայքարում մարդիկ, այնուամենայնիվ, իրենց շեն կորցրել: Զուրն ընկած մի մարդ նույնիսկ փորձում է բարձրանալ նավակի մեջ... Պետք է նկատել, որ նրա բազմահաղար ծովանկարներում մեծ մասամբ առկա է մարդք: Թեև նրանք պատկերվել են փոքրածավալ, սակայն մանրամասնորեն մշակված, որոշակի շարժումը, նպատակային ֆիգուրները օրգանապես կապվում են պատկերների բովանդակության հետ, լրացնում, բացահայտում ստեղծագործության հիմնական գաղափարը և նկարչի մտահղացումը:

Բնորոշ է, օրինակ, «Նավախորտակում» 1876 թվականի գեղանկարը: Այստեղ ևս պատկերված է փոթորիկի տեսարան ծովափի մոտ: Առաջին պլանի վրա է արդեն խորտակված առագաստանավի


շարդված կայմի մի բեկոր, որը լողում է ալիքների մեջ: Հսկա ալիքները փոքրիկ նավակում պատսպարված մարդկանց նետում են դեպի ժայռոտ ափերը: Վերևում՝ արևից լուսավորված ժայռի վրա կանգնածները ուշագիր հետեւում են դժբախտներին և ձեռքով ցույց տալիս փրկության ուղին՝ ժայռերի աջ կողմը, քանի որ ուղղահայաց ժայռի մոտ, ուր հսկայական ալիքները ուժգնորեն զարկվելով քարերին, փշրվում են օդի մեջ՝ ցրելով ջրի մանրիկ փոշիներ, վայրէջքի ոչ մի ելք չկա:

1880—90-ական թվականներին Այվազովսկու ստեղծած բազմաթիվ պատկերներից առանձնապես նշանավոր են «Առաջաստանավը ծովափին» (1885), «Շովափի ժայռերի փլզումը» (1883), «Պուշկինի հրամեշտը ծովին» (1887), «Թարմ քամի» (1889), «Անդորր» (1892), «Նիազարայի ջրվեժը» (1893), «Կովկասյան լեռները ծովի կողմից» (1894), «Լուսնյակի դուրս գալը Թեոդոսիայում» (1899) և ուրիշներ:

Կյանքի վերջին շրջանում՝ 1898 թվականին, 81 տարեկան հասակում, Այվազովսկին 10 օրում նկարում է «Ալիքների մեջ» մեծակտավ պատկերը (2.82×4.25), որը դառնում է մեծ ծովանկարչւանցած ստեղծագործական ուղղու և նվաճումների հանրագումարը: Դա մի քենումենալ ստեղծագործություն է, որն իր բարձր արվեստով նմանը չի ունեցել համաշխարհային ծովանկարչության մեջ:

«Ալիքների մեջ» պատկերը ներկայացնում է բաց ծովը ալեկոծման պահին: Դիտողի առաջ բացվում է ծովալին՝ բնության աճեղ տարերքի հոյակապ տեսարան: Նկարի սյուժեն կազմում են սե, ամպամած երկինքը և փոփորկութ ծովը: Այստեղ ամբողջ կտավը ներկայացնում է միայն ալեկոծվող, կարծես թե եռացող ծովը՝ հսկա ու լայնածավալ ալիքներով:

Ալիքների սիթմիկ գասավորությունը և լուսականապատասխան տեղաբաշխումը կազմում են պատկերի կոմպոզիցիան: Այդ կոմպոզիցիայում նկարիչը ընդգծել է հատկապես նրա կենտրոնական մասը, ուր ցույց է տրված արևային լուսով ողողված թափանցիկ ալիքների շարժումը: Դրա համար նկարիչն օգտագործել է ճոխ ննրկապնակ: Նրա գունային գամայում կան բոլոր սառը երանգները՝ մոխրագույն, կապույտ, մուգ կապույտ, կանաչ և այլ գույներ, որոնք պատկերին տալիս են այն տպավորությունը, ինչ զգում է մարդը քամու ժամանակ ծովի ալիքներին մոտ լինելու պահին: «Ալիքնե-



Φηβρουαριού μνημ. 1850

րի մեջ» պատկերն աշքի է ընկնում կոմպոզիցիայի պարզությամբ և հստակությամբ: Խիստ համոզիչ, բնականորեն են վերարտադրված ծովի փրփրակալած ալիքների հղոր ուժը, որոնք աշքի են ընկնում նաև կատարման թեթևությամբ:

Իր բազմաթիվ ստեղծագործություններով Այվազովսկին ցուց տվեց ծովային բնության յուրահատուկ գեղեցկությունները, ծովի տարերքը և նրա վեհությունը: Նա անվերապահորեն հաստատեց, թե ծովի թեման որքան կարեռ և նպատակահարմար է մարդկային ապրումները, հասարակական հուզող հարցերը արտահայտելու համար: Դա խոշոր շափով նպաստում է բնանկարի մեջ ծովանկարչության, որպես ինքնուրուցն ժանրի, ստեղծմանն ու զարգացմանը: Նա ծովանկարչությանը տվեց նոր, հուզական և գեղարվեստական բարձր բովանդակություն և կերպարային նոր լուծում: Նա բերեց նոր սյուժեներ, նոր, սեփական մոտիվներ և նոր ձևեր ծովային անհուն, անծայրածիր ջրերի, նրանց մակերեսի թափանցիկության, խորության և ծովային բնության բազմազան պահերի ու տարերքի պատկերման մեջ: Լավատեսությամբ հազեցված նրա ստեղծագործությունները, որոնք ամբապնդում են մարդու կամքը բնության ահեղ տարերքի դեմ մղվող պայքարում, միաժամանակ ճանաշողական խոշոր նշանակություն ունեն:

Հանդես գալով մեծ մասամբ ուսւ գեղարվեստական մշակույթի միջավայրում, Հովհ. Այվազովսկին իր բարձրարվեստ ստեղծագործություններով խոշոր ծառայություն մատուցեց ուսւական նկարչությանը: Նա գարձավ ուսւական բնանկարչության սյուներից մեկը և միաժամանակ, հիմք դրեց ուսւական ծովային մարտանկարչությանը:

Պետք է նկատել, որ Այվազովսկին շատ է նկարել ուսւական սազմական նավատօրմիջի մարտական գործողությունների թեմաներով պատկերներ: Հայտնի են «Չեսմենի ճակատամարտը», «Մարտ նավարինի մոտ» (1848), «Սինոպի ճակատամարտը» (1853), Ղրիմի և 1877—1878 թթ. ուսւաթուրքական պատերազմների թեմաներով բազմաթիվ պատկերները, որոնց մեջ նա մեծարում է ուսւական զենքի հաղթանակը, ուսւ ծովայինների հերոսությունները, ուսւական զենքի հաղթանակի մեջ տեսնելով նաև թուրքայում տառապող իր հայրենակից արևմտահայերի պատագրությունը: Հայրենասեր նկարիչը Ղրիմի պատերազմի ժամանակ, վտանգելով

Գողթովիկ Այա Հրեանդանի մասն. 1875




իր կյանքը, լինում է ուազմաճակատում, զինվորների մոտ՝ նրանց խրամատներում և նույնիսկ պաշարված Սևաստոպոլում, տեղում, բնականից նկարելով մարտական անցքեր և հերոսներին: Նրա կյանքի վերջին օրվա սկսած նկարն էլ եղել է «Թուրքական նավի պայթյունը»:

Իր այդ ստեղծագործություններով նա տվեց ծովանկարչության ու մարտանկարչության լավագույն օրինակներ և ուղի հարթեց նոր սերնդի նկարիչների համար: Հովհ. Այվազովսկին միաժամանակ բարերար ազգեցություն ունեցավ բազմաթիվ ոռու երիտասարդ նկարիչների, այդ թվում Ա. Սավրասովի, Ա. Բոգոլյուբովի, Լ. Լազորիսյի, Ա. Կոփինչի, Ն. Դուբովսկու, Պ. Սուդկովսկու, իր թոռների՝ նկարիչներ՝ Ա. Գենղենի, Մ. Լատրիի և շատ ուրիշների վրա, նպաստելով ծովանկարչության ժանրի զարգացմանը ոռոսական կերպարվեստի մեջ: Թերեւ այդ և բազմաթիվ այլ ծառայությունները նկատի ուներ ոռու մեծ բննագատ, արվեստագետ Վ. Վ. Ստանովը, նշելով, որ Հովհ. Այվազովսկին «Նոր ուղղու վրա է մզել ուրիշներին»:

Շատ մեծ է Հովհ. Այվազովսկու տեղը և նշանակությունը նաև XIX դարի հայ կերպարվեստի պատմության մեջ: Այվազովսկին փառաճեղ սկիզբ գրեց հայկական ծովանկարչությանը և իր բարձրարվեստ ստեղծագործություններով ու համաշխարհային փառքով ոգեվորության աղբյուր եղավ հայ նկարիչների համար: Հովհ. Այվազովսկին նկարել է աշխարհի շատ ծովեր և օվկիանոսներ: Նրա բազմահազար ստեղծագործությունները պատկերում են Բալթիկ, Սև և Կասպից ծովերը, Միջերկրական և Հյուսիսային ծովերը, Ալպանտյան օվկիանոսը, մի շարք լճեր (Սևան, Լաղողա), գետեր և ջրանցքներ (Վոլգա, Դանուբ, Սոսկվա, Նևա, Թերեհ, Սուեկի ջրանցքը, Նիւգարայի ջրվեժը), բազմաթիվ ծովափնյա, գետափնյա, լճափնյա տեսարաններ, հեղեղներ և, վերջապես, «Համաշխարհային ջրհեղեղը», որոնք ներկայացնում են տարբեր երկրների բնությունը:

Մեծ ծովանկարչի առանձնահատկությունն այն է, որ նա համոզիլ ճշտությամբ է վերարտադրում տվյալ երկրի բնությունը, միշտ և ամենուր պահպանելով իր անհատականությունը: Այդ անհատականության բնորոշ կողմերից է նրա ծովանկարների գունեղությունը: Ոռոսական բնանկարը, մինչև Այվազովսկու հանդես գալը, ինչպես գրում են ոռու արվեստագետները, ծովային բնության այդօրինակ գունեղ պատկերներ չուներ: «...Ես արաջին անգամ տեսա գույների



Աղարան. 1868

այնպիսի փայլ կտավի վրա, որ նույնիսկ մոռացա Տյորներին։ Կապույտ, կանաչ, սպիտակ, մոխրագույն և կարմիր պատկերները ինձ ուղղակի կուրացրին, — զրում է ուսւ նշանավոր ծովանկարի Ա. Բոգոլյուբովը, վկայելով, որ «Այն ժամանակ մեր շրջանում արդի բնակարիչների մեջ չկար մեկը, որ ունենար այնպիսի գույներ, ինչպես նա»¹:

Ծովանկարների այդօրինակ գունեղությունն իր մեջ կրում էր արելյան տարր և շատ բան գալիս էր հենց Հովհաննելի Այվազովսկու աղային խառնվածքից։ Նրա ստեղծագործությունների այդ առանձնահատկությունը վաղուց ի վեր նկատվել է ինչպես ժամանակակիցների, նույնպես և նկարչի հետագա կենսագիրների կողմից։ Այվազովսկու ստեղծագործություններում նկատվող արելյան տարրը արտահայտվում է ոչ միայն նրա պատկերների բովանդակության, մոտիվների կամ տեմպերամենտի մեջ, որը իրոք նորություն էր այն ժամանակ, այլև ծովային տարերքի ինքնօրինակ, յուրատիպ մեկնաբանության և հատկապես կոլորիտի մեջ։ Մեծ ծովանկարչի համարյա բուլը կենսագիրներն ել նշում են այն փաստը, որ Այվազովսկուն ամենից ավելի հաջողվել է նկարել արելյան, ինչպես նրանք են գրում՝ հարավային, ծովային բնության պատկերներ։ «Նրա պատկերների մոտիվները, — զրում է նկարչի առաջին կենսագիր Ն. Ն. Կուզմինը, — նման և ճշգրիտ են վերարտադրել հարավային բնության գույները»²։ Հարազատ բնությունը ոգեսրել է նրան ստեղծագործելիս։ «Հարավային գիշերվա, երկնքի, հարավային արևմուտի հրապուցք, սարսափը, մարդու հոգու վրա ազդող փոթորիկը կամ մրբիկը — աշա այն զգացմունքները, որոնք ոգեսրում են ինձ, երբ ես նկարում եմ» — ասել է նկարիչը իր ինքնակենսագրականում³։ «Նա, որ մանկուց ընտելացել էր արևի շողերով հագեցված օդին և մեծացել տոթակեց հարավում, ցանկանում էր կտավի վրա ավելի գունեղ բնություն պատկերել, քան այդ անում էին նրա նախորդները» հաստատում է նկարչի հետագա տարիների կենսագիրը⁴։ Գ. Բաշինչալյանը գրում


¹ А. Боголюбов, Записки моряка-художника, 1856—1857 гг. см. «Русская старина», 1888, № 2.

² Н. Н. Кузьмин, И. К. Айвазовский и его произведения, изд. Булгакова, 1901, стр. 85.

³ «Русская старина», 1881, т. 31.

⁴ Н. Барсамов, И. К. Айвазовский, 1950, стр. 110.

Արարատ ժամանակակից, 1882



է, որ ծովանկարիչն իր լավագույն ստեղծագործություններում արտահայտում է՝ «Բնկական արևելքը»¹:

Իր այդ արևելցան տեմպերամենտով, բազմաթիվ նոր մոտիվներով, վառ, գունեղ ու ջերմ կոլորիտով և բարձրարվեստ, մինչեւ այժմ էլ շգերազանցված ծովանկարներով Հովհ. Այվազովսկին հարստացրեց ինչպես ոռւսական, նույնպես հայկական նկարչությունը XIX դարում:

Հայ նկարչությունը Այվազովսկին հարստացրել է նաև զուտ հայկական թեմաներ ընթարկող հայրենատենչ հուցերով լի մի շարք պատկերներով: Նա նկարել է Հայաստանի բնության տեսարաններ, հայ ժողովրդի կյանքի, կենցաղի ու պատմական անցյալի թեմաներով պատկերներ ու հայ մարդկանց բազմաթիվ դիմանկարներ:


Հայաստանի բնության տեսարաններ պատկերող նրա ստեղծագործություններից ամենից ավելի հայտնի են Արարատ լեռան, Արարատյան դաշտի և Սևանա լճի պատկերները: Հովհ. Այվազովսկին Արարատյան դաշտը նկարել է բազմիցս: Դեռևս 1860-ական թվականներին Անդրկովկասում կատարած ճանապարհորդության ընթացքում նա նկարում է Արարատի և Սևանի գեղատեսիլ բնության պատկերներ, որոնք 1868—1869 թթ. ձմռանը ցուցադրում է Թիֆլիսում բացած իր պատկերահանդեսում: Մինչ այդ հայ նկարիչներից ոչ ոք չէր նկարել Արարատը և Արարատյան դաշտի պատկերներ: Նկարիչ-հայերից Հովհաննես Այվազովսկին առաջինն էր, որ 1868 թ. նկարելով հայրենի բնության տեսարաններ, ցուց տվեց հայրենիքի գեղեցկությունը և սրեց հայ հասարակության և երիտասարդ նկարիչների հետաքրքրությունը հայաստանի բնության նկատմամբ:

Արարատի և Արարատյան դաշտի թիմային հայրենատեր նկարիչը անդրադառնում է նաև հետազում՝ 1880-ական թվականներին ևս: Մեզ հասել են «Արարատ լեռան հովիտը» (1882) և «Արարատ» (1887) պատկերները²: «Արարատ լեռան հովիտը» պատկերում է Արարատյան դաշտը և մեծ ու փոքր Արարատները վաղ առա-

¹ «Кавказское слово», 1917, № 173.

² «Արարատ լեռան հովիտը» (1882) պատկանում է ՍՍՀՄ ժող. արտիստուհի Մ. Մակսակովային, իսկ «Այրարատը» (1887) նկարիչը նվիրել է Վենետիկի Միկելարյան միաբանությանը և այժմ գտնվում է նրանց գրադարանում (ա. Զավարկողում):

Արդարաց. 1887




վլույան: Նկարիչը ճշմարտորեն վերարտադրել է արագ անցնող վաղորդյան մթությունը պեյզաժում: Հորիզոնում երևացող լեռների և հատկապես Արարատի հավերժական ձյունով ծածկված սպիտակ գագաթների վրա, ուր արգեն ընկել են արեկի առաջին ճառագայթները և բարձր կապտավուն երկնակամարում սահնող սպիտակ նոսր ամպերի մեջ այգերացի արկը շողում է իր փայլով: Առաջին պլանում նկարված, ճանապարհով դանդաղորեն դեպի դիտողը եկող քարավանը և մարդկանց ֆիգուրներն ավելի կենդանի և արտահայտիչ են դարձնում ընդհանուր տեսարանը: Ճանապարհի մի կողմում նկարիչը պատկերել է մի քանի խաչքար-դամբարանաբարեր՝ հայերեն արձանագրություններով: Հենց այստեղ էլ՝ պատկերի ձախ կողմի ներքի անկյունում, մի քարի վրա Այվազովսկին դրել է իր ստորագրությունը՝ «Այվազեան, 1882», իսկ պատկերի աջ կողմի ներքի անկյունում՝ «Անվազօվսկի»:

«Արարատ» պատկերը (1887) ներկայացնում է Արարատյան դաշտի և Արարատ լեռան համարյա նույն տեսարանը, սակայն կեսօրին: Զենիթում գտնվող արեկի հրեղեն ճառագայթներից պայծառություն լուսավորված Արարատ լեռան և կանաչ հարթավայրի պատկերը կարծես հաջորդում է նկարչի նախորդ ստեղծագործության: Ուժոշակի վերարտադրված են Արարատ լեռան կառուցվածքը, լեռնացին մասիվի և նրա ապառի նյութականությունը, արեկի ոսկեզօծ ճառագայթներով լուսավորված Արարատյան դաշտի ընդարձակությունը: Բնանկարի հարազատությունն ավելի համոզիչ է դարձնում պատկերի առաջին պլանը, ուր նկարված են ճանապարհով անցնող մի խումբ մարդիկ՝ տեղացի հայեր, իրենց ազգային տարագով: Այս պատկերի տակ ևս նկարիչը ստորագրել է հայերեն՝ «Այվազեան»:

Դեղեցիկ և վարպետությամբ պատկերելով Արարատը և Արարատյան դաշտի տեսարանը, Այվազովսկին դրանով իսկ նոր թեմա բերեց հայ նկարչության մեջ: Նրանից հետո Արարատը և նրա դաշտավայրի տեսարանները ամենասիրված թեմաները դարձան հայ նկարիչների համար:

Արարատի և Արարատյան դաշտի տեսարանը սիրված թեմա է դառնում նաև իրեն՝ Այվազովսկու համար: Հետաքրքրական է նկատել, որ հայկական թեմաներով նկարած իր սյուժետային մի քանի պատկերների մեջ («Հայ ժողովրդի մկրտությունը», «Խրիմյան Հայրիկը էջմիածնի շրջակայրում» և ուրիշները), որպես գործողության

ԵՐԱԾՈՒՅՈՒՆ և ԱՐԱՐԱՄԻՑ, 1887



միջավայր Այլազովսկին պատկերի է Արարատյան դաշտը, Արարատ լեռը մեծ ու փոքր գագաթներով:

Արարատյան տեսարանների մենք հանդիպում ենք նաև բիբլիական սյուժեներով նրա մի շարք ստեղծագործություններում: Ամենից ավելի հանրահայտ են «Համաշխարհային ջրհեղեղը» թեմայով նրա բազմաթիվ պատկերները, որոնցից մեկը՝ «Նոյը իշնում է Արարատից» գտնվում է Հայաստանի պետական պատկերասրահում: Հովհ. Այլազովսկին այդ պատկերը մի քանի այլ ծովանկարների հետ, 1896 թ. նվիրել է էջմիածնի մատենադարձանին: «Նոյը իշնում է Արարատից» պատկերը ներկայացնում է Արարատյան գաշտի մի գեղեցիկ տեսարան: Նրա առաջին պլանը և կենտրոնական մասը Արարատյան դաշտն է, որը վերջանում է Մասիս լեռան ուրվանկարով: Լեռը մշուշի մեջ է ու հավիվ նշմարվում են նրա գագաթների եղբադերը: Օդը լցված է աշխարհածածկ ջրի գուրոշիով, որի միջից արևն անգամ չի երևում: Արարատյան գաշտավայրում տեղ-տեղ երևում են փոքրիկ լճակներ, որոնք գոյացել են ետ քաշված ջրի մնացորդներից: Այդ լճակների մոտից գեպի դիտողն է գալիս Արարատից իշած նոյը, իր հետևից բերելով քարավանը: Ամբողջ պատկերը դիտողի վրա թողնում է ուժեղ տպավորություն: Նա խորապես զգացողական է և աշքի է ընկնում օդային, արծաթավուն գամմայով:

Որ այդ սյուժեով պատկերների մեջ մեծանուն նկարիչը ձգտել է պատկերել հայրենի բնությունը, հայ ժողովրդի բնօրրանը՝ մայր Հայաստանը, այդ մասին ունենք հենց իր՝ Այլազովսկու վկայությունը: Փարիզում կազմակերպված Այլազովսկու ստեղծագործությունների ցուցահանդեսի մասին «Բազմավեպ» հանդեսի թղթակիցը 1889 թ. հաղորդում է: «Ես հանդարտությամբ կդիտեի նկարը, երբ հանկարծ մոտեցավ ինձի նկարչապետն ու ըսավ.

— Անշուշտ հայկական նյութ մը կինտրես իմ նկարացս մեջ:

— Այո՛, տեր, լավ գուշակեցիք միտքս. — պատասխանեցի:


Ու տարավ զիս սրահին մեջ ու ցուցուց հեռուեն և ըսավ.

— Ահա մեր Հայաստանը»:

Այդ «Նոյը իշնում է Արարատից» պատկերն էր:

Հայաստանի բնության պատկերներից բացի Այլազովսկին Անդրկովկասում շրջագայելիս նկարում է նաև Կովկասյան տեսարաններ, որոնց մի մասը ցուցադրում է Թիֆլիսում 1868 թ. կազմակերպած անհատական նկարահանդեսում: Կովկասյան թեմաներով

P. J. Flume, 1868



պատկերներ նա նկարում է նաև Հետագայում։ Հայտնի են օրինակ, «Դարյալի կիրճը», «Կովկասյան լեռնաշղթան», «Զյան փլվածք Ռազմավիրական ճանապարհին», «Կազբեկ», «Գումիթ լեռը» և ուրիշներ։ Այդ ստեղծագործությունները Հայաստանի բնության պատկերների հետ ցուց են տալիս, որ Հայրենի բնության թեման Այվազովսկու համար եղել է հարազատ, որին նա անդրադարձել է հաճախ և մեծ սիրով։

Հայ ժողովրդի կյանքի ու կենցաղի թեմաներով Այվազովսկու նկարած պատկերներից մեզ հայտնի են «Թիֆլիսը», «Հովիվները Հոտի հետ» և հայկական ջարդերի թեմաներով պատկերների շարքը։

«Թիֆլիսը» (1868) պատկերում է մերձքաղաքային կանաչավետ վայրում մի խումբ տղամարդկանց ու կանանց ուրախ ժամանցի տեսարան։ Առաջին պլանում՝ գետնին, կանաչի վրա փռված գորգի վրա։ Նստել են կանայք և տղամարդիկ, որոնցից մեկը նվազում է, մյուսները ծափ են տալիս, իսկ մի կին նրանց մեջտեղում պարում է։ Երկրորդ պլանում՝ ծառերի տակ, տղամարդիկ խարույկ վառած խորոված են պատրաստում, իսկ մեկը երկանիվ սալլով նոր ուտելիքներ է բերում։ Հեռվից երեսում է ճանապարհով ընթացող ուղտերի քարավանը։ Այս ամենը պատկերված է արևելյան այդ ժին քաղաքի՝ միահարկ և հարթ տանիքներով աների, ընդհանուր տեսարանի ֆոնի վրա։ Այստեղ բնության տեսարանը, մարդկանց և նրանց ազգային տարազը Այվազովսկին նկարել է բնականից և սուր դիտողականությամբ։ Հիանալի նրբանկատությամբ են վերարտադրված մարդկանց շարժ ու ձևը, նրանց հագուստը, միմյանց նկատմամբ ունեցած հարբերությունները և դիմագծերի այնպիսի հատկանշական գծեր, որոնք հիշեցնում են նույն ժամանակ Թիֆլիսում ապրող և զործող նկարիչներ Հակոբ Հովհաննեանի և Ստեփան Ներսիսյանի ստեղծագործություններում եղած մարդկանց պատկերները։

Բնավ պատահական չէ, որ հենց նույն այդ շրջանում՝ XIX դարի 60-ական թվականներին Ստ. Ներսիսյանը ստեղծում է «Ժամանց գետափին» կենցաղային թեմայով մեծակտավ պատկերը, որը նույնպես ներկայացնում է Թիֆլիսի մերձքաղաքային մի տեսարան՝ խընջույքի նստած մարդկանց պատկերներով։ Այժմ դժվար է տսել, թի այդ թեմայով պատկերը ով է ուժից առաջ նկարել, քանի որ Ներսիսյանի այդ նկարի տարեթիվը ճիշտ հայտնի չէ։ Սակայն այն փաստը, որ ինչպես Ներսիսյանը, նույնպես և Այվազովսկին միհնույն

շրջանում նկարել են քաղաքի շրջակայքում խնչուցք-ժամանցի թեմայով երկու առանձին պատկերներ, ասում է այն մասին, որ այդպիսի ուրախ ժամանցները սովորական են եղել:

Թիֆլիսում եղած ժամանակ, շրջապատված գլխավորապես հայ հասարակության զերմ ընդունելությամբ, Այլազովսկին ոչ միայն այդպիսի շատ խնչուցքների թանկագին հյուր է եղել, այլև, ինչպես վկայում է Բաշինջաղյանը իր հոգվածում, նա ականատես է եղել այստեղ սովորություն դարձած կոպիտ բննցքամարտի և «գարձել մեղանում բռնցքամարտի» (կուլանին բօյ) վերջանալու պատճառը¹:

Նկարիչը, սակայն, իր ստեղծագործության համար ընտրել է հենց այնպիսի թեմա, որ շատ բնորոշ հատկանշական է եղել այդքաղաքում ապրող հայերի կենցաղում: Այսպիսով, Այլազովսկու «Թիֆլիսը» պատկերը արտացոլում է մեր ժողովրդի կյանքի և կենցաղի մի դրվագ: Այդ ստեղծագործությունը Ստ. Ներսիսյանի «Ժամանց գետափին» պատկերի հետ մտել է XIX դարի հայ կերպարվեստի պատմության մեջ որպես հայկական ազգային ուսալիստական կենցաղային նկարչության առաջնեկը:

Հովհ. Այլազովսկին նկարել է նաև գյուղական կյանքի ու աշխատանքի թեմաներով պատկերներ, որոնցից առավել հետաքրքրություն է ներկայացնում «Հովհիվները հոտի հետ» մեծակտավ պատկերը:

Այստեղ Այլազովսկին նկարել է իր սեփական ոչխարներին ու նրանց հայ հովհիվներին: Նա պատկերում է դաշտում՝ լայնախիտ ճյուղերով ծառի տակ ու նրա շուրջը խմբած ոչխարների մեծ հու և մի քանի հովհիվներ, որոնցից մեկը կանգնած շվի է փշում: Հովհերգական բնույթ կրող այդ պատկերում, ինչպես և Դրիմի գյուղացիների աշխատանքը պատկերող այլ նկարների մեջ, Այլազովսկին արտահայտել է իր սերն ու համակրանքը բնության ու հողի համեստ մշակների նկատմամբ:

Հայկական շարդերի թեմաներով Այլազովսկու ստեղծագործություններից առանձնապես կարենոր են «Հայերի շարդը Տրապիզոնում 1895 թվականին», «Հայերին լցնում են նազերը» և «Կենդանի հայերին թուրքերը թափում են Մարմարա ծովը» մեծակտավ պատկերները, որոնք արտացոլում են 1890-ական թվականներին Թուրքիայում տեղի ունեցած հայկական շարդերի ողբերգական անցքերը: Այդ

¹ «Մշակ», 1917, № 159:

պատկերները մեզ չեն հասել, պահպանվել են միայն նրանց լուսա-նկարները:

«Հայերի ջարդը Տրապիզոնում 1895 թվականին» պատկերը ներկայացնում է Տրապիզոն քաղաքի ծովափնյա շրջանը, որտեղ սուլթան Համբարի բաշիրովուները սրերով կոտորում են անզեն հայերին: Մովագիին թափած են բաղմաթիվ դիակներ, իսկ մարդկացին արյունը պատել է ամբողջ ծովափը: Մովը հանգարտ է, նա կարծեա սառել է կատարվող եղեռնագործությունից: Ավելի ծանր ու սարսուտ է առաջացնում մյուս նկարը, որը պատկերում է Մարմարա ծովում կանգնած թուրքական նավից կենդանի հայերին ծովը նետելու ողբերգական տեսարանը: Այդ, ինչպես և մյուս պատկերները նկարից ժամանակին ցուցադրել է Օդեսայում, Մոսկվայում և այլ քաղաքներում, ամենուր ցնցող տպավորություն գործելով դիտողների վրա:

Բնորոշ է, օրինակ, Մոսկվայից ստացված մի հոդված այդ մասին, որը հրապարակել է «Մշակ» թերթը 1898 թվականին: Խոսելով Մոսկվայից ցուցահանդեսում Այլվազովսկու ներկայացրած հայկական շարդերի թեմաներով պատկերների մասին, «Մշակի» թղթակիցը գրում է. «Տրապիզոնի կոտորածը սարսափելի է: Մարդկանց ոչ թե կոտորում, այլ սաղ-սաղ ածում են ծովը... Մարդիկ փախչում են, բայց ո՞ւրա... Մարդիկ աղաչում են, բայց ո՞ւմ... Առանց արտասվելու ժի կարելի դիտել այդ գժրախտ զոհերին»¹:


Հայերն գրած նամակներից մեկում Այլվազովսկին նույնպես արտահայտում է իր ցավը՝ հայկական շարդերի կապակցությամբ:

«Խորին ցավով վշտացած է սիրտս անբախտ հայոց լսված, շտեսնված կոտորածով,— գրում է նա իրիմյան Հայրիկին,— Զերվեհափառությունն այդտեղ, մենք այստեղ և ամենքն իրենց տեղեր կուլանք և կողբանք մեր թշվառ, կորստեան մատնուած հայոց վրա և կիսնդրենք աստվածային գթություն»: Նա ավելացնում է, որ ինքը մտադիր է «նկարել կարմիր գույնով հայոց կոտորածի պատկեր, արյան դաշտեր և լեռներ և վշտահար հայոց Հայրիկին ավերակաց վրա»:

Մեզ, հայտնի չէ, նկարել է նա այդպիսի պատկեր, թե՛՛ ոչ, սակայն, ինչպես հաղորդում է ժամանակակից մամուլը, հայկական շարդերի ծանր տպավորությունը նա արտահայտել է նաև այդ տա-

¹ «Մշակ», 1898, № 44:

Հայոց Տէղական Տառագութեալ Տառագութեալ Տառագութեալ Տառագութեալ Տառագութեալ



րիներին նկարած մի շարք՝ ծովանկարներում, մասնավորապես «Հումանյակ գիշեր», «Միայնակ առագաստանավը ծովում» և այլն:

Ժամանակակիցներից մեկը գրում է, որ Այվազովսկու «Ուրախ և զվարթ դեմքը թախիծ էր արտահայտում այն բովածին, երբ Թուրքիայից փախած հայ գաղթականները պատմում էին այն ահովելի՝ ուսարսափելի տեսարանների մասին, որոնք տեղի ունեցան 1896 թվականին... Տողերիս գրողը շատ անգամ էր նկատում, թե ինչպես արցունքներ էին ցայտում ծերունու աշքերից, երբ Թուրքիայից եկած հայը հուզված պատմում էր իր բույրերի առևանգման և որդիների կոտորման մասին»¹:

Համակված իր ժողովրդին նաև նյութապես օգնելու ցանկությամբ, Այվազովսկին վաճառում է իր ծովանկարները և նրանց գումարը հատկացնում Թուրքիայում տուժած իր աղջակիցներին: Նա, միաժամանակ, Ղրիմում ունեցած իր կալվածքներից հողամասեր ու բնակելի տարածություններ է հատկացնում հայ գաղթականներին:

Հովհ. Այվազովսկին ստեղծում է նաև հայ ժողովրդի պատմական անցյալի թեմաներով պատկերներ, որոնցից հայտնի են «Հայ ժողովրդի մկրտությունը», «Երդում», «Կովկասի կանանց փախցը» նող թուրքական նավի գրավումը ոուս նավաստիների կողմից» և «Բայրոնի այցելությունը Միսիթարյաններին» Ս. Ղաղար կղզում» մեծակտավ պատկերները: Նրանցից առաջին երկուսը գտնվում են Այվազովսկու անվան պատկերասրահում (Թեղողոսիա), իսկ վերջին երկուսը՝ Թրիլիսիի կերպարվեստի պետական թանգարանում:

Հայ ժողովրդի մկրտությունը՝ հեթանոսությունից քրիստոնեական հավատքին անցնելու պատմական իրողությունը, մեր ժողովրդի անցյալի պատմության նշանակալից անցքերից մեկն է: Այդ թեմայով պատկերի (1892) համար որպես գործողության վայր նկարիչըն ընտրել է հայրենի երկրի օրրանը՝ Արարատյան դաշտը: Առաջին պլանում է հայ մարդը, որը չոքած Գրիգոր Լուսավորիչի առաջ, մկըրտություն է ընդունում: Գրիգոր Լուսավորիչը կաթողիկոսական գավազանը մի ձեռքում, մյուս ձեռքում՝ քրիստոնեական խաչ, կանգնել է ժողովրդի առաջ և հանդիսավորությամբ մկրտում է: Նրա ֆիգուրը այստեղ ընդգծված է լուսավոր գույներով: Նրա հանդիսատ ու հանդի-

¹ «Մշակ», 1898, № 32:

սավոր կեցվածքը, հայկական ազգային եկեղեցական տարածքը և բարեհամբույր դեմքը գրավում են դիտողի ուշագրությունը: Նկարիչը ճշտորեն վերաբարձրել է ինչպես մկրտվող մարդու, նույնպես և Գրիգոր Լուսավորչի, նրա հետեւում կանգնած հոգևոր անձանց հայկական դիմագծերը և պատմական այդ ծիսակատարության ազգային սովորությունը: Այստեղ զգացվում է պատմականություն, որն ավելի համոզիլ է դարձնում դիմացի քարի վրա հայերեն տառերով՝ գրված ժամանակի տարեթվի արձանագրությունը՝ «Յամի տն 303»: Թեև հանճարեղ ծովանկարիչը վարպետ չէ մարդկային ֆիգուրների պատկերման և բազմաֆիգուր թեմատիկ կոմպոզիցիոն պատկերներ ստեղծելու մեջ, այնուամենայնիվ նրան հաջողվել է իր մտահղացումը՝ հայ ժողովրդի մկրտությունը վերաբարձրել գեղարվեստական պատկերավոր ձևով և դարձնել այն արտահայտիչ:


«Երգում» պատկերի մեջ (1891) պատմա-հայրենասիրական թեման յուրովի լուծում է գտել: Միշնադարյան հայ զորավարն իր որդու հետ շոքած հայկական հնագույն խաչքարի առաջ երդվում է: Նրանցից քիչ հեռու՝ երկրորդ պլանում, սարալանջին երևում են երկու զինվորական նույնպես զինված և մարտի պատրաստ: Այս ամենը պատկերված է Հայաստանի լեռնաշխարհը հիշեցնող տեսարանի հետ: Պատկերի բովանդակությունը հայրենասիրական է: Հուժկու բազուկներով զորավարը մարտից առաջ երդվում է հայրենիքի հանգեպ իր սրբազն պարագը կատարելու համար: Այս պատկերը նկարիչը նվիրել է Ղրիմի հայոց եկեղեցիներից մեկին՝ Վարդան Մամիկոնյանի անվան եկեղեցուն: Թետք է հավանական համարել, որ հայոց եկեղեցու համար Այվազովսկու նկարած վերոհիշյալ պատեկրը ներկայացնում է նրա անունը կրող զորավար Վարդան Մամիկոնյանի կերպարը: Հայ նոր նկարչության մեջ Հովհնաթանյանի և նրանից հետո հանդես եկած նկարիչների կողմից հարգան զորավարի պատկերներ Կարպելլ XIX դարում բխում էր հայ ժողովրդի և նրա առաջավոր մտավորականության հայրենասիրական պահանջներից: Հովհ. Այվազովսկու վերոհիշյալ պատկերը, թեև գեղարվեստական արժեքով չի հասնում նրա լավագույն ծովանկարներին, սակայն երկար ժամանակ կատարել է հայրենասիրական դեր և Թեոդոսիայի պատկերասրահ է տեղափոխվել Ղրիմի հայոց եկեղեցին փակվելուց հետո:

Առանձին հետաքրքրություն է ներկայացնում «Կովկասի կանանց փախցնող թուրքական նավի գրավումը ոռու նավաստիների կողմից» մեծակտավ պատկերը (1888), որն արտացոլում է անցյալում թուրքերի կողմից Կովկասի կանանց գերեվարելու անցքերից մի դրվագ: Կովկասի ափերից նոր է հեռացել բազմազգ-կանանցով լրցված թուրքական առագաստանավը, երբ նրա ճանապարհը կարում է ոռու նավաստիների առաջին ջոկատը: Թուրքերի և ոռու զինվորների միջն տեղի է ունենում Հրացանաձգություն: Մի քանիսը մերկացրել են սրերը: Հեռվում երևում են ոռու նավաստիների նոր ջոկատներ, որոնք նավակներով արագորեն մոտենում են պաշարված թուրքական առագաստանավին: Ռուս նավաստիների հաղթանակը և Կովկասի գերի կանանց ազատագրումը ակնառու է: Այդ ավելի համոզիչ է զարձնում անհանգիստ ծովի տեսարանը, որը ողողված է իրեկնամուտի արևի բոսորագույն ճառագայթներով:

Պակաս ուշագրավ չէ նաև «Կարս քաղաքի գրավումը գիշեր ժամանակ» պատկերը նկարելու փաստը: Այդ պատկերի ստեղծման համար, ինչպես վկայում է նկարչի առաջին կենսագիրը, Այլվազովսկին բացի գծանկարներից և լուսանկարներից, օգտագործել է 1877—1878 թթ. ոռու-թուրքական պատերազմի ժամանակ Կարսի գրավմանը մասնակից-ականատես հայ և ոռու զինվորականների պատմածները, ինչպես նաև պատմական փաստաթղթերը: Պատկերի տեղն այժմ անհայտ է:

Իր կյանքի վերջին շրջանում Հովհաննես Այլվազովսկին նկարում է «Բայրոնի այցելությունը Միսիթարյաններին» ս. Ղազար կղզում» պատկերը: Ինչպես հայտնի է անզինական ականավոր գրողը եղել է հայ ժողովրդի մեծ բարեկամը: Դժողով իր ժամանակի Անդլայից, Բայրոնը հեռանում է հայրենիքից և որոշ ժամանակ ապրում Վենետիկի հայ Միսիթարյանների մոտ: Այստեղ նա մոտիկից ծանոթանում է հայ անցյալի մշակույթին, Միսիթարյանների միաբանության գրադարանում նա տեսնում է հայերեն հին և նկարագրադ ձեռագրեր, գեղեցիկ մանրանկարներ: Այստեղ նա գիտնական-ների մոտ սովորում է հայերեն գրել և կարդալ, ծանոթանում է հայ գրականությանը, այնքան է հրապուրվում մեր անցյալի դասական գրականությամբ, որ ձեռնամուխ է լինում հայերենից անզիներն թարգմանել մի շարք գրական երկեր, փաստաթղթեր և կազմում է հայերեն-անգլերեն բառարան:

Առնեսի կանանց գիախցնող թուրքական նալի դրաշտամբ ռուս նալատների կողմաց, 1888




Ահա Հենց Հայ ժողովրդին և նրա անցյալի մշակութը խորապես սիրող ու բարձր գնահատող անգլիական նշանավոր գրողին է պատկերել Այլազովսկին իր այդ կտավի վրա: Պատկերը ներկայացնում է Վենետիկի Ս. Ղաղար կղզու ծովափնյա տեսարանը առագաստանակերով և գոնդոլներով: Աջ կողմում ծովափն է, ուր մի խումբ Մխիթարյաններ և նրանց երիտասարդ սաները եկել են գիմավորելու նավակով արդեն ափ իջած մեծ բանաստեղծին: Բայցոնք ձեռքերը առաջ պարզած ողջունում է Հայ մտավորականներին, որոնք, ի պատիվ բանաստեղծի, գորդ են փոել նրա ճանապարհին: Գործողությունը հանդիսավոր է և տոնական: Կենսուրախ տրամադրությամբ է հագեցված ամբողջ տեսարանը: Դրան նպաստում է ափից ոչ հեռու կանգնած գոնդոլում այդ հանգիպումը հետաքրքրությամբ դիտող մի քանի իտալացի կանանց և տղամարդկանց աշխույժ պատկերները, առանձին սիրով ու վարպետությամբ նկարված ծովը, որի խաղաղ ու հանգիստ հայելապատ մակերեսով ջրերի մեջ արտացոլվել է երկինքը սպիտակ ամպերով: Մխիթարյաններին ողջունող Բայցոնի դիրքը թեև այսուեղ մի փոքր պայմանական է, սակայն արտահայտում է տվյալ պահի անմիջականությունն ու ջերմությունը: Ծովանկարիչը կարողացել է համոզիլ դարձնել Հայ և անգլիական մշակույթի գործիչների մերձեցման այդ հանդիսավոր տեսարանը:

Այլազովսկին, ինչպես ասացինք, նկարել է բազմաթիվ դիմանկարներ, մեծ մասամբ իր մերձավորներին և մի շարք անվանի մարդկանց: Նա թողել է բազմաթիվ ինքնանկարներ, որոնք ներկայացնում են նկարչին կյանքի տարրեր ժամանակներում՝ պատանի հասակում, երիտասարդ, հասուն շրջանում և ծերության տարիներին:

Այլազովսկին կարեոր նշանակություն է տվել իր մոր՝ Շոփիսիմեի և Հոր՝ Կոնստանտինի դիմանկարներին: Նրան այցելած երվանդ Շահազիզը իր հուշերում գրում է, որ նկարիչն իր Հոր և մոր դիմանկարները կախել էր տան պատկերասրահի ամենաաշքի ընկնող մասում՝ «գահլիճի ճակատին... այնպես, որ երբ գահլիճ էիր մտնում, Հենց առաջին նկարները, որոնք աշքի էին ընկնում, նկարչի ծնողների նկարներ էին»: Այդ դիմանկարների մասին ինքը՝ նկարիչը ասել է երվանդ Շահազիզին: «Իմ այս նկարում արվեստը համակված է եղել որդիական սիրո զգացմունքով»:

תְּמִימָנֶה וְעַמְּלֵה יְמִינָה וְעַמְּלֵה יְמִינָה



Այլազովսկին առանձնապես ջերմ սիրով է նկարել իր երկրորդ կնոջը՝ Աննա Բուռնազյանին։ Այստեղ Աննան պատկերված է հայկական ազգային տարագով, ճակատային, մետաքսյա թափանցիկ գլխաշորը գլխին և ուսերին փաթաթված, դիտողին ուղղված հայացքով։ Նրա մեծ ու սկաչքերը նկարիչը պատկերել է բարձր վարպետությամբ։ Գլուխը և դեմքի ներքեւի մասը ծածկող թափանցիկ գլխաշորը շեն խանգարել նկարչին վերաբարեկու նրա մեղմ, գեղեցիկ, կանացիական դիմագծերը, որոնք այնքան քնքշորեն տրված նրա հայացքի հետ մի առանձին հրապուցք են տալիս կերպարին։ Այստեղ նկարիչը ստեղծել է երիտասարդ հայուհու ռեալիստական կերպարը։ Աննա Բուռնազյանին Այլազովսկին նկարել է մի քանի անգամ։ Թեոդեսիայի պետական պատկերասրահում է դտրնվում «Այգեգույթ» կոչված պատկերը (1881), որը ներկայացնում է Աննային մի գյուղական պատանու հետ այգում խաղող քաղելիս։ Սա արգեն երկիրգուր-սյուժետային պատկեր է կոնկրետ անձնավորության կերպարով։ Լուսով ողողված Աննայի ֆիգուրը և մանավանդ նրա պայծառ, վառվուն դեմքն արտահայտում են կյանքի ուժախությունը, որով համակված էր նկարիչը այդ տարիներին։ Իր բարեկամներից մեկին գրած նամակում նկարիչը հայտնելով իր ուժախությունը Աննայի հետ ամուսնանալու մասին, գոհունակությամբ ավելացնում է, որ այդ նոր ամուսնությամբ «ավելի նորեն աս[զ]գիս մոտըկացա»։

Իր հարազատ ժողովրդին ավելի մերձենալու համար Այլազովսկին կյանքի վերջին շրջանում հաճախ է անդրագառնում հայկական թեմատիկային և հայ ականավոր անձանց պատկերմանը։ 1895 թ. նա իր տանը հյուրներում է Ամենայն Հայոց կաթողիկոս Խրիմյան Հայրիկին ու այստեղ էլ նկարում նրա դիմանկարը։ Նա պատկերում է Խրիմյան Հայրիկին ամբողջ հասակով կանգնած Արարատյան դաշտի և Արարատ լեռան ֆոնի վրա, այդ պատկերում արտահայտելով իր մեծ համակրանքը նրա նկատմամբ։

Նկարիչը նույնպիսի սիրով և երախտագիտության զգացմունքով նկարել է նաև Մոսկվայի Լազարյան ճեմարանի հիմնադիր Հովհաննես Լազարյանի, գեներալ-լեյտենանտ Լորիս Մելիքյանի և ուրիշների դիմանկարները։ Նա նկարել է նաև եղբոր՝ Հոգենոր Կործիշ, լեզվաբան, բանասեր և թարգմանիչ Գաբրիել Այլազյանի (Այլազով-

սկու), իր աղջկա՝ Հովհաննայի և մյուսների,՝ պատկաններ՝ Մազիր՝ յանի, Արցեռլովայի և ուրիշների դիմանկարները:

Բացի գունանկարչական պատկերներից, Հովհ. Այլաղովսկինը ստեղծել է նաև նախագծեր հայոց եկեղեցիներ ու բնակելի շենքեր Ղրիմում կառուցելու համար: Պետք է նկատել, որ նկարիչը եղել է բազմակողմանի զարգացած անձնավորություն: Նա մանկուց նվազել է ջութակ, իսկ երիտասարդ տարիներին զբաղվել է նաև հնագիտությամբ (պեղումներով) և ճարտարապետությամբ: Նրա նախագծով է կառուցվել ոչ միայն իր սեփական երկշարկանի մենասունը, որը դարձել է նրա անունով տուն-պատկերասրահ, այլև թանգարանի շենքը Թեղողոսիայի մոտ՝ բլուրի վրա, որը ոչնչացել է Հայրենական պատերազմի ժամանակ, աղբյուր-հուշարձանը ծննդավայրի զբոսայգում և այլ շենքեր: Վերջինս իր արեկելյան ոճով մինչև այժմ էլ զբավում է դիտողների ուշադրությունը: Օգտագործելով Հայկական պաշտամունքային ճարտարապետության ավանդական աղբային ձևերը, Հովհ. Այլաղովսկին ստեղծել է մի շարք նախագծեր, որոնց հիման վրա Ղրիմի Հայաբնակ քաղաքներում և գյուղերում (Թեղողոսիա, Զարխափան, Հին Ղրիմ) կառուցվել են Հայկական եկեղեցիներ: Նրանցից մի քանիսը պահպանվել են մինչև մեր օրերը, իսկ նախագծերից մի օրինակ այժմ ցուցադրվում է Թեղողոսիայի Այլաղովսկու անվան պատկերասրահի էքսպոզիցիայում:

Այս, ինչպես նաև Հայկական թեմաներով վերոհիշյալ սյուժենետացին պատկերներն ու բնանկարները, նրա հանճարեղ ծովանկարների հետ վազուց ի վեր մտել են Հայ նկարչության պատմության մեջ որպես նրա օրգանական մասը, Հարստացրել են աղքային նկարչության ժամրերը և դրական նշանակություն ունեցել XIX դարի Հայ կերպարվեստի մեջ բնանկարչության, մասնավորապես ծովանկարչության, սյուժենետային պատկերի, դիմանկարչության և դրաֆիկական նկարչության զարգացման գործում:

Մինչև Այլաղովսկու հանդես գալը Հայ կերպարվեստը ծովանկարչություն չուներ: Նո ոչ միայն ստեղծեց բարձրարվեստ ծովանկարներ, այլև տվեց նրանց որոշակի աղքային կերպարանք: Հավատարիմ աղքային կոլորիտային մշակույթին, Այլաղովսկին իր նոր, գունեղ պատկերներով ուղի հարթեց երիտասարդ նկարիչների համար և ծովանկարչական շկոլա ստեղծեց Հայ կերպարվեստում:

XIX դարի երկրորդ կեսում Այվազովսկու աղքեցությունն, ամենից առաջ, արտահայտվում է արևմտահայ նկարիչների վրա: Պոլսահայ շատ նկարիչներ, այդ թվում Մ. Ճիվանյանը, Տ. Զաքարյանը, Հովհաննես Պեյզատը, քանդակագործ Ե. Ոսկանը և ուրիշներ, որոնք անձամբ ծանոթ էին Կոստանդնուպոլիս հաճախ այցելող մեծ ծովանկարչին ու նրա ստեղծագործություններին, սկսում են նկարել ծովանկարներ Այվազովսկու նմանողությամբ: Հայտնի է, օրինակ, Մ. Ճիվանյանի «Ալեկոծ ծովը փոթորկից առաջ» պատկերը, որ կրում է Այվազովսկու մոտիվների ուժեղ ազգեցությունը: Մ. Ճիվանյանը հաճախ իր ծովանկարների տակ դնում էր Այվազովսկու ստորագրությունը, դրանք բարձր գնով և արագ վաճառելու համար: Նկատելով այդ, Այվազովսկին 1874 թ. Կ. Պոլսում եղած ժամանակ սսում է նկարիչ Մ. Յազդյանին: «Այդ տղան հիանալի վրձին ունի, բայց ափսոս, որ փշացնում է»: Այդ նույն շրջանում Կոստանդնուպոլսում հայ արվեստագետների հետ ունեցած հանդիպման ժամանակ Այվազովսկին խրախուսելով հայ նկարիչների սերը և հետաքրքրությունը ծովանկարչության նկատմամբ, խորհուրդ է տալիս նրանց հեռու մնալ նմանողականությունից: Նա պահանջում է բնությունից նկարել, անընդհատ աշխատել, կատարելագործել վարպետությունը և երեք չծովանալ: Ժամանակակիցները վկայում են, որ Կ. Պոլսում եղած ժամանակ նրան այցելած երիտասարդ նկարիչ Տորք Զաքարյանին Այվազովսկին ասել է: «Ապրիս, փոքր վարպետ» ըսելով կը քաշալեր Տորքը և միասին թեյ առնելու պահին Տորքին ցույց կուտա վոսփորի տեսարանները, ըսելով «Փոքրիկ վարպետ, ահա քո գրպացգ, մեծագույն գպրոցգ՝ բնությունը»¹:

Այվազովսկու մոտ՝ թեոդոսիայի գեղարվեստական դպրոցում ծովանկարչություն է սովորել Պետերբուրգի գեղարվեստի ակադեմիայի սան Էմանվել Մահտեսյանը (1857—1908): Անվանի ծովանկարիչ է, Մահտեսյանը 1895 թ. Սիմֆերոպոլ քաղաքում բացում է 150 ծովանկարներ ներկայացնող իր անհատական ցուցահանդեսը, որը ժամանակակիցների վկայությամբ հաստատում է Այվազովսկու ծովանկարչական դպրոցի գոյությունը XIX դարի հայ կերպարվեստի մեջ: Նրա ստեղծագործություններից առանձնապես հայտնի են «Գիշերը Սև ծովի վրա», «Փոթորիկ վերջալույսին», «Հանգիստ ծո-

¹ Բ. Շիշմանյան, Բնանկարը և նրա նկարիչները, 1958, էջ 241:



Հովհաննեսկին արվեստանոցում

վլը», «Աղաւարիկ», «Փոթորիկ վերջալուզսի ժամանակ» և Թեոդո-սիայի պետական պատկերասրահում գտնվող «Ալեկոծ ծովլը» պատ-կերը (1895):

Հայաստանի պետական պատկերասրահում ցուցադրվող «Ծովլի» տեսարան առաջնատանավոլք» և «Փոթորիկ ծովլի վրա» (1898) պատկերները իրենց առանձնահատկությամբ հանդերձ կրում են մեծ ծովանկարչի ռճի և կիրառած մոտիվների ազդեցությունը:

Անցյալ դարի 90-ական թվականներին Մյունխենի գեղարվես-տի ակադեմիան ավարտած ծովանկարիչ Վարդան Մախոսյանը (1869—1937) Գերմանիայից մեկնում է Կովկաս, այցելում Դրիմ որպեսզի տեսնի և ուսումնասիրի Այվաղովսկու ծովանկարները: Թեոդոսիայում նա անձամբ ժանոթանում, երկար զրոցում է Այ-վաղովսկու հետ ու աշխատում նրա խորհուրդներով: Մախոսյանը Դրիմում եղած ժամանակ, ինչպես նաև հետագայում՝ Գերմանիա-յում, Ֆրանսիայում, Նորմեգիայում, Միջերկրական ծովի ափերին և հտալիքայում նկարում է բազմաթիվ ծովանկարներ, որոնցից ժամանակակիցները բարձր են գնահատել «Ալեկոծություն կովկաս-յան ափերի մոտ», «Էլուսնյակ գիշեր», «Ավերակներ Սև ծովի ա-փին», «Զկնորսները լուսնյակ գիշեր ժամանակ», «Էլուսնի ծագումը ծովի վրա» և ուրիշներ: Հայաստանի պետական պատկերասրահում եղած «Մակընթացություն: Նորվեգիա», «Մովանկար» (1898), «Ան-հանգիստ ծովլը», «Մովային տեսարան» (1905) պատկերները վե-րահիշյալ ծովանկարների հետ խոսում են նկարչի խոշոր տաղանդի և հայկական ծովանկարչության ժանրի ընդլայնման մասին:

Հետագայում գրած իր հիշողություններում վ. Մախոսյանը բարձր է գնահատում մեծ ծովանկարչի արվեստը: «Այվաղովսկին, որուն հետ ժանոթանալու մեծ բարերախտություն ունեցա ասկե տարիներ առաջ Կովկաս գտնված ատենս, պետք է խոստովանենք ամենքս ալ, թե իրոք շատ մեծ նկարիչ մըն էր: Աննման կերպով ըմբռնած էր գույներու համերաշխությունը և անոնց թողած հոգե-պարար տպավորությունը»¹: Վ. Մախոսյանը իր նամակներից մե-կում գրում է, որ մշտապես փոփոխվող և անհանդիստ ծովլը «նկա-րելու համար հարկ է ըմբռնել ու ստեղծել: Այվաղովսկին այդ հաղ-վաղյուտ ստեղծագործողներն էր»:

¹ «Շանթ», 1912, էջ 345:

Հայկական ծովանկարչությունը հայրենի բնության պատկեր-ներով հարստացնելու գործում խոշոր ծառայություն է մատուցել Գևորգ Բաշինջաղյանը (1857—1925): Շարունակելով Այլվազովսկու սկսած գործը Բաշինջաղյանը անցյալ դարի վերջին քառորդում նկարում է Սևանա լճի, Կասպից և Սև ծովերի բազմաթիվ պատկերներ, գետափնյա ու լճափնյա տեսարաններ, ինչպես օրինակ «Սև-վանա լիճը և կղզին» (1884), «Իոր գետը», «Սևանա լիճը» (1896), «Անձրևային օր Սևանում» (1898), «Կասպից ծովի տեսարան», «Սև ծովի Կովկասյան ափերը», «Սև ծովը» (1912), «Ծովի տեսարան» (1919), «Գյուղ-գյող լիճը», «Բաթումի ծովափը գիշերով» պատկերները: Ջրի շարժման, թափանցկության, ծովի խաղաղ պաշերի և արտացոլումների վերաբարապրման մեջ, ինչպես նաև ծովային բնության գեղեցկությունների բացահայտման խնդիրների լուծումներում նկատվում են Այլվազովսկու բարերար ազգեցությունը:

Գ. Բաշինջաղյանը Այլվազովսկու ծովանկարներով հափշտակվել է գենես պատանի հասակում: Նա Թիֆլիսում 1870-ական թվականների կեսերին առաջին անգամ տեսնելով Այլվազովսկու նկարները, իր ինքնակենսապրականի մեջ գրում է, «Ինձ վրա առաջին ուժեղ էսթետիկական տպավորություն թողնում են Այլվազովսկու երկու պատկերները «Պետերբուրգի տեսարանը» և «Գունիբը», որոնք գրանցում էին Կովկասյան թանգարանում»: Հետագայում Պետերբուրգի գեղարվեստի ակադեմիայում ուսանելիս նա հաճախ է այցելել մեծ ծովանկարչին և ներկա եղել նրա աշխատանքի ժամերին: «1882 թվականն էր, որ դիմեցի նրան Պետերբուրգում իբրև ակադեմիայի ուսանող, — գրում է Բաշինջաղյանը Այլվազովսկու մասին հրապարակած իր հոգվածներից մեկում, — և նա ինձ բարի խորհուրդներ տալուց հետո առաջարկեց մի-մի անգամ այցելել նրան, որպեսզի ներկա լինեմ աշխատության միջոցին»: Գ. Բաշինջաղյանը այցելել է նրան, ցուց տվել իր գործերը և Այլվազովսկին, ինչպես գրում է Բաշինջաղյանը, «Խորհուրդներ էր տալիս, երեսին էր ասում լավն ու վատը, չէր ծածկում իր կարծիքը, թեև գիտեր, որ սիրու պետք է ցավացնի, բայց գովաբանում էր, երբ հարկավոր էր համարում»¹:

Գ. Բաշինջաղյանը մեծ ծովանկարչի մասին գրել է ավելի քան Հինգ հոդված և տարբեր առիթներով բազմիցս անդրադաել ու

¹ «Մշակ», 1900, №97:

վկայակոչել է նրան, միշտ և ամենուր բարձր գնահատելով նրա արվեստն ու նշանակությունը: Իր հոդվածներից մեկում նա գրում է. «Հայոց ազգը ընդունակ եղավ ծնելու XIX դարում երկու խոշոր մարդ, երկու հանճար՝ Հովհաննես Այվազովսկի և Պետրոս Ադամյան: Անհերքելի է, որ Հայերի մեջ միշտ գոյություն ունեցել են տաղանդներ տարբեր տեսակի ու մեծության, որոնց գրչի, վրձինի կամ բեմական արվեստի շնորհիվ ընդհանուր ուշադրություն են գրավել... Սակայն այդ երկու հսկաները այնպիսի մի տարօրինակ երեւյթ առաջցրին, որ ոչ թե միայն իրենց ազգին փառք ու պարծանք եղան, այլև կարող էին ամեն մի լուսավոր ազգին պատիվ բերել»: Նմանցնելով նրան մի լուսատուի հետ, Բաշինչաղյանը գրում է, որ Այվազովսկիով «Հավիտյան պետք է հպարտանա ամեն մի հայ»:

Հայկական ծովանկարչության լավագույն ստեղծագործություններից է Փանոս Թերլեմելյանի (1868—1938) «Միփան սարը Կառուց կղզուց» պատկերը, որը ներկայացնում է Վանա լիճը շրջապատի սարերի տեսարանով: Նրա «Ծովափը» (1807), «Բրետանի ափերը» (1908), «Բոսֆորի ծովափին» (1911), «Իզմիրի ծովածոցը», «Ուկեղզուրի ափերին» (1912), «Սև ծովը փոթորկից հետո» (1916), «Սևան» (1917), «Բաթումի ծովեղերքին» (1916) և վերջապես «Լամանջի ափերը» և «Իշխանաց կղզիների ափերը» պատկերները նոր թեմաներով ու մոտիվներով հարստացնում և ընդլացնում են ծովանկարչության ժանրը նախասովետական շրջանում:

1900-ական թվականներին ծովային բնության նոր պատկերներ են ստեղծում ծովանկարիչներ Արսեն Շաբանյանը, Կարապետ Աղամյանը, բնանկարի մեծ վարպետ Ե. Թադևոսյանը, Վ. Սուրենյանցը, Դ. Օքրոյանը և շատ ուրիշներ: Նրանք, համարյա բոլորն էլ, անձամբ ծանոթ են եղել Այվազովսկու հետ, զրուցել ու խորհրդակցել են ծովանկարչության հարցերի շուրջը և սովորել նրա բարձրարվեստ ստեղծագործություններից:

Նրանցից, օրինակ, Վ. Սուրենյանցը (1860—1921) Այվազովսկու մկու հետ առաջին անգամ ծանոթանում է 10 տարեկան հասակում՝ 1870-ական թվականներին և նրա ընտանիքի հետ ճանապարհորդում կադում դեպի Ղրիմի Բախչիսարայ քաղաքը: Այստեղ պատանու կադում դեպի Ղրիմի Բախչիսարայ քաղաքը:

թինյանցը մի շարք անգամ հանդիպում և զրուցում է մեծ նկարչի հետ, իսկ 1899 թ. նրան է նվիրում Ա. Ս. Պուշկինի «Բախչիսարայի շատրվանը» պոեմի շքեղ հրատարակությունն իր նկարագրումներով: Նա կերտում է նաև Այվազովսկու դիմաքանդակը:

Այդ մտերմական հարաբերությունների և զրուցների ընթացքում Հովհաննեսը Այվազովսկին առաջ է քաշում աշխարհով մեկ ցրված հայ նկարիչներին համախմբելու և նրանց գործունեությունը մեկ միության մեջ ծավալելու հարցը: Այդ մասին է վկայում Վ. Սուրենյանցը: 1916 թվականին՝ «Հայ արվեստագետների Միության» հիմնադիր ժողովում կարգացած իր զեկուցման մեջ առաջարկելով համախմբել տարբեր երկրներ ցրված հայ նկարիչներին ու քանդակագործներին Վ. Սուրենյանցն ասում է, որ այդպիսի առաջարկ «հս անձամբ հանգուցյալ Հովհաննես Այվազովսկուց ևս լսել եմ»¹:

Հայ ժողովորդի մեծ զավակի սրտացավլ վերաբերմունքը աղքային նկարչության ու նրա երիտասարդ ստեղծագործողների նկատմամբ, նրանց հետ ունեցած սերտ, մշտական կապերն ու բարեկամական հարաբերությունները ուղղակի նպաստում են հայ նոր նկարչության սկզբնավորմանն ու արագ զարգացմանը XIX դարում:

Նշանակալից են Հովհաննեսը Այվազովսկու բարերար ազգեցնությունը և նրա նշանակությունը հայ մշակույթի մյուս բնագավառներում ևս մասնավորապես երաժշտության և գեղարվեստական գրականության մեջ:

Լինելով երաժշտասիր և ջութակի վրա նվազող, Այվազովսկին հաճախ է երգել ու նվագել Ղրիմի ժողովրդական երգեր, որոնցից մի քանիսը ձայնագրել և օգտագործել է ուսւ կոմպոզիտոր Մ. Գլինկան իր «Ռուսլան և Լյուդմիլա» օպերայում: «Ես հաճախ ջութակի վրա նվազում էի Գլինկայի համար երգեր, որոնք ես լսել էի Ղրիմում, մանկությանս տարիներին, իսկ նա այդ երգերը հետագայում դրեց իր «Ռուսլան և Լյուդմիլայի» մեջ,—վկայում է Այվազովսկին և ավելացնում,— մի անգամ, երբ ես նկարում էի ոչ մեծ ծովալիին մի տեսարան, Գլինկան նստեց դաշնամուրի առաջ և հրապուրված նիւթեց դրանք, արևելյան պարեր և անդանե-ն «Ռուսլանից»: Դրանից հետո նա զգացմունքով և հմտությամբ երգեց Անտոնիդայի «Հե օ տօն սկօրբլիո, պօրջնիկ» սոմանսը: Ես առաջին անգամ

¹ Հայկական ՍՍՀ գրականության և արվեստի թանգարան, Վ. Սուրենյանցի ֆոնդ, № 14:

էի նրան լսում և նա ինձ իր երգով միանգամայն հիացրեց»։ Այդ կարեռ փաստի մասին խոստովանում է և ինքը՝ Գլինկան, նշելով, որ Այվազովսկու երգերից «երկուսը ես օգտագործեցի լեզգինկայի, իսկ երրորդը՝ Ռատմիրի անդան-ի համար, «մուսլան և կյուդմիլան ապերացի երրորդ գործողության մեջ»¹։ Թերևս զրա հիման վրա է Ա. Չեխովը 1888 թ. գրել, թե Հովհաննես Այվազովսկին «Գլինկայի հետ զրել է «Մուսլան և կյուդմիլան»²։

Հովհ. Այվազովսկին մշտական շփման մեջ է եղել նաև հայ երաժիշտների ու երգահանների հետ, ամեն կերպ խրախուսել է նրանց։ Առանձնապես մոտ է եղել նա Սպենդիարյանների ընտանիքին, մասնավորապես երիտասարդ կոմպոզիտոր Ալ. Սպենդիարյանի հետ։ Վերջինս՝ նույնպես Դրիմից (Սուլդակից), բազմիցս եղել է Այվազովսկու տանը, և նրանք միասին նվագել ու երգել են։ Այդ մասին քաղցրությամբ է հիշում կոմպոզիտորը։ Նկարիչը մոտիկից ճանաչել ու խրախուսել է նաև երիտասարդ ջութակահար Հովհ։ Նալբանդյանին։ 1898 թ. մարտի 10-ին Պետերբուրգում տեղի ունեցած երկու հայ երիտասարդների՝ Ալ. Սպենդիարյանի ու Հովհ։ Նալբանդյանի համերգին ներկա գտնվելով, ծերունի նկարիչը հիանում է նրանց նվագով, մոտենում է ջութակահար Նալբանդյանին և բոլորի ներկայությամբ գրկում, համբուրում է նրան և բացականչում։ «Ով փմ մանուկ՝ հանճարեղ Հովհաննես, այսօր դու ինձ դյութեցիր, ի՞նչով կամ ի՞նչպես հայտնեմ քեզ այսօրվա իմ ստացած հոգեկան բավականությունը»³։ Մեծանուն նկարչի այդօրինակ չերմ, սրտառուց վերաբերմունքը հայ երիտասարդների նկատմամբ ուժեղ տպավորություն է գործում հասարակության վրա, նպաստելով ազգային մշակութիւն երիտասարդ տաղանդավոր գործիչների լայն ճանաչմանը ուսւահակության կողմից։

Բարեբար է եղել Այվազովսկու ազգեցությունը զրիմցի երաժիշտ ու նկարիչ Անդրեաս Քաղցածյանի վրա։ Դրիմի պատերազմի ժամանակ նա գրում է «Չու ի Սինոպ» հաղթական քայլերգը, որը շատ է դուր գալիս Սինոպի ճակատամարտի հերոս ծովակալ նախիմովին, որը և պարզեւարում է նրան։ Ա. Քաղցածյանին ճանա-

¹ М. И. Глинка. Литературное наследие, 1952, стр. 180.

² А. П. Чехов, Полное собр. соч. и писем, т. XIV, Письма. 1949, стр. 137.

³ «Մշակ», 1898, № 44։



Խնքնանկար, 1887, գրչանկար

չելու գործում պակաս չի եղել Այլազովսկու դերը, որն այդ ժամանակ նկարում էր «Սինոպի ճակատամարտը» հանրահայտ պատկերը։ Իր կյանքի և երկարատև գործունեության ընթացքում Հովհաննես Այլազովսկին մշտական շփման մեջ է եղել հայ, ոուս և արեմտակվառական երկրների մշակույթի շատ գործիչների՝ այդ թվում՝ գրողների հետ։ Դեռևս Պետերբուրգի գեղարվեստի ակադեմիայում ուսանելու տարիներին երիտասարդ Հովհաննեսը մի քանի անգամ հանդիպել և զրուցել է ոուս մեծ բանաստեղծ Ա. Ս. Պուշկինի հետ։ «Պուշկինը խիստ փաղաքշորեն դիմավորեց ինձ, — գրում է նկարիչը, 1896 թ. վերջիշելով իր առաջին հանդիպումը բանաստեղծի հետ, — հարցրեց թե որտեղ են իմ նկարները։ Ես դրանք ցույց տվեցի Պուշկինին...իմանալով, որ ես բնիկ զրիմցի եմ, մեծ բանաստեղծը հարցրեց, ո՞ր քաղաքից, և եթե այդքան վաղուց է, որ այստեղ եմ, ապա չե՞մ կարոտել հայրենիքս և հյուսիսում չե՞մ հիվանդանում...»։ Քաղցրությամբ հիշելով «ոուսական պոեզիայի արևի» կողմից երիտասարդ հասակում «սիրալիր կերպով ընդունվելն ու

փաղաքշվելը», Այլազովսկին հետագայում նկարում է նրա անմահ կերպարն արտացոլող շուրջ 10 պատկեր, որոնցից մեկը՝ «Պուշկինի հրաժեշտը ծովին», նա նկարում է ի. Ռեպինի հետ (1887):

Հովհաննես Այլազովսկին մտերիմ հարաբերություններ է ունեցել առակագիր Կովլովի, բանաստեղծ Ժուկովսկու, Ն. Գոգոլի, քրննադատ Վ. Բելինսկու, հետագայում՝ նադանի և շատ ուրիշների հետ: Նկարիչը գրում է, որ Բելինսկին «Խմբակային տաք զրուցների ժամանակ վեհ ու սքանչելի մտքեր էր ներշնչում ինձ», իսկ «Գոգոլի հետ, լույս տեսնելուց հետո, կարդում էի Բելինսկու «Գրական երազանքներ» լուրջ և անկեղծ հոգվածը»:

Առանձին հետաքրքրություն են ներկայացնում Հովհ. Այլազովսկու և Հայ գրողների կապերը, որոնք նույնպես իր ժամանակին անձնական ու ստեղծագործական բնույթ են ունեցել: Մեր գրողներն ու բանասերները ոգեսրվել են նրա բարձրարկեստ ծովանկարներով, բարձր են գնահատել Հայ ժողովրդին մատուցած նրա ծառայությունները, նվիրել են նրան ու նրա հիշատակին բանաստեղծություններ, հոգվածներ, արձակ էջեր, ուսումնասիրություններ և նրա ծովանրկարների աղղեցության տակ գրել են ծովի երգեր:

Հայ գրողների և մշակույթի ականավոր գործիչների հետ Այլազովսկու ծանոթությունն ու մտերմական կապերն սկսվում են վաղ ժամանակներից: Դեռևս 1840-ական թվականների կեսերին բանահավաք Գ. Սխվերդյանը իր «Օրագրում» նշում է Այլազովսկու հետ հանդիպելու և նրա ծովանկարները տեսնելու մասին, իսկ 1846 թ. Մկրտիչ Էմինին գրած նամակում նա Պետերբուրգից տեղեկացնում է «Այլազովսկին այստեղ է: Ես ծանոթացա նրա հետ, մոտ օրերս ցուցահանդեսում ես տեսա նրանից վեց նկար: Մի աղատ ժամանակ ես հաշվետվություն կտամ քեզ Այլազովսկու մասին, թե ինչպիսի ուժեղ տպավորություն է գործել վրաս այդ մեծ նկարիչը»:

Հովհ. Այլազովսկու նկատմամբ եղած այս հետաքրքրությունը, միաժամանակ, ասում է այն մասին, որ 1840-ական թվականներին արդեն նկարիչը լայն ճանաչում ուներ ոչ միայն ոռու, այլև Հայ հասարակության մեջ: Նրա մասին Հայկական պարբերական մամուլը սկսել էր գրել դեռևս 1840-ական թվականներից: Այդ ժամանակից էլ սկսած նկարիչը անմիջական մասնակցություն է ունեցել Հայ հասարակական ու մշակութային կյանքին:

1850—60-ական թվականներին հայ հասարակության մեջ Այլազովսկու ունեցած լայն ճանաշման մասին է վկայում այն փաստը, որ նրա թեկնածությունն առաջ է քաշվել նոր Նախիջևանի հայկական դպրոցների պետքերի համար՝ Մասեհ Բաբաջանյանի կտակած խոչոր գումարը Հնդկաստանից բերելու հարցը քննելու ժամանակ: Հովհ. Այլազովսկին ուզում էր ոչ միայն բերել այդ գումարը հայկական նոր ու աշխարհիկ դպրոց հիմնելու, այլև Հնդկական օվկիանոսը տեսնելու համար: Թեև այդ հարցը լուծվում է հօգուտ Մ. Նալբանդյանի, այնուամենայնիվ, Այլազովսկու թեկնածության առաջ քաշումը ինքնին վկայում է աղքային գործերի հետ մեր նկարչի ունեցած սերտ, օրգանական կապերի մասին:

1862 թ. Հովհ. Այլազովսկու հետ Հետաքրքրական հանդիպում է ունեցել Գ. Աղայանը, որ նա համարում է իր կյանքում պատահած գլխավոր դեպքերից մեկը: Հետազայում գրած «Իմ կյանքի գլխավոր դեպքերը» մեմուարական գրքում վերջիշելով նկարչի հետ ունեցած հանդիպումը թեոդոսիայում, Աղայանը գրում է. «Այստեղ առաջին անգամ տեսա ես հանձարավոր Այլազովսկուն: Շատ գուր եկավ ինձ նա իր վայելակազմ հասակով և համակրելի դեմքով»: Համեմատելով նկարչին նրա եղբոր՝ Հոգենոր գործիլ Գաբրիել Այլազյանի հետ, Աղայանը գրում է. «Երկու Այլազովսկիները չոկ-չոկ աստղերի տակ են ծնվել: Աշխարհային փառքը մեկի հետեւց է վազում, մյուսի առջեցից: Նկարիչը չի կարող փառքի ճանկերից ազատվել, որքան էլ փախչի նրանից, իսկ նրա եղբայրը իզուր էր չարշարվում փառքի հետեւց հասնելու»¹:

1874 թ. Հ. Պարոնյանը գրում է «Հովհաննես Այլազովսկի» վերնագրով մի հոդված, որի մեջ բարձր է զնահատում նկարչի ուսալիստական արվեստը: «Բնությունը, որ առաջին գաղտնապահ մ է, չէ կրցեր խեղճը բան մը պահել Այլազովսկին, սա յուր վրձինը առած բնության խորն է թափանցեր և անոր բոլոր գաղտնիքներուն տեղեկանալով՝ զանոնք ի տես հաներ է,— գրում է Հ. Պարոնյանը և ավելացնում,— բնությունն ալ ունի հիմա իր հայելին: Այլազովսկիին նկարներուն նայելուն պես կրնա անոր մեջը տեսնել իր պատկերը»: Այդ հոդվածում ծաղրի ենթարկելով Կ. Պոլսում հրատարակվող «Կուրիեր դը Օրիան» թերթը, որը շարամտորեն գրել է թե Այլա-

¹ Գ. Աղայան, Երկեր, հատ. 3, 1940, էջ 43:

ղովակին հայ չէ, Հ. Պարոնյանը իրեն հատուկ սրամտությամբ ու հպարտությամբ պատասխանում է, որ այդ տեսակ «լուրերուն վրա խնդալով կը զվարձանանք և կիմացունենք իրենց, որ Հովհաննես Այվաղովսքին հայ է և հայոց փառքն է»¹:

Արևմտահայ գրողներից Այվաղովսկու և նրա ստեղծագործությունների մասին ժամանակին արտահայտվել է նաև երիտասարդ բանաստեղծ Վահան Մալեպյանը, որը 1888 թ. Կ. Պոլսում տեղի ունեցած ցուցահանդեսի մասին գրած հոդվածում հիացմունքով է արտահայտվում «ընդ ճարտար հայոց հանճարին», անվանելով Այվաղովսկուն «Դյուցապն հայկական նկարչության»: Այդ նույն ցուցահանդեսի կապակցությամբ Ա. Արփիարյանը Կ. Պոլսից «Մշակին» գրում է. «Գեղարվեստական կյանքերնիս Այվաղովսկին նկարահանդեսն էր, որ արդեն փակվեցավ: Խուսական դեսպանատան պալատին մեջ բացված այդ հանդեսը ազգայնությամբ մը գույն ունեցավ և գլխավորապես հայերն էին, որ կը դիմեին անդ: Այդ պատկերներն հինգ հատ նմեր տված է Պոլսու ազգային բարեգործական հիմնարկության»²:

Հովհ. Այվաղովսկին անձամբ ծանոթ և մտերմական կապերի մեջ էր արևմտահայ հասարակական և մշակույթի շատ այլ գործիչների հետ, այդ թվում «Արևելյան մամուլ» ամսագրի խմբագիր Մ. Մամուրյանի, առաջնակարգ լուսանկարիչ, թարգմանիչ և բանասեր Գևորգ Ապառուլայի, հայտնի ճարտարապետ Սարգս Պալյանի, պետական գործիչ Հ. Տատյանի և ուրիշների հետ, որոնցից շատերին գրած հայերեն նամակները պահպանվել են մինչև մեր օրերը:

Մեծ նկարչի հետ շատ մտերիմ է եղել Պ. Աղամյանը: 1883 թ. Մոսկվայում հարուստ Անանյանների (Անանով) տանը ծանոթանալով նրա հետ Աղամյանն իր նամակներից մեկում գրում է. «Ենցյալ կիրակի այնտեղ հանդիպեցա Այվաղովսկուն՝ երեկոի նկարչին, որ ինձ ուղել էր տեսնել: Չորս վայրկյանի մեջ մի ծովային տեսարան ուրվագծեց զրչով և ինձ նվիրեց: Կարող եք երեկակայել, թե ոքքան ուրախացա: Հետո ուղեց որ մի բան արտասանեմ. արտասանեցի «Գործադուլ դարբնյաց»՝ իրեն ի փոխարինություն յուր թանկագին ուրվագծին»³:

¹ «Բարերոն», 1874, № 66:

² «Մշակ», 1888, № 132:

³ Պ. Աղամյան, Նամակներ, 1959, էջ 48:

1900 Հուն. 17. Այստ

Կառուցած
Խաչքար.

Կառուցած է այս այս ամ
Տ. Հ. Եղիշե Տաճար
կամ Հայոց ազգայի
Խաչքար, որի
ամբողջ բազա

շառավահանգառ պատճեն
Բայրության ազգի
պատճեն այս անհայտ Տաճար
առաջին
աշխարհական պատճեն
Տ. Հ. Եղիշե Տաճար

Հովհաննես Այվազովսկու ձեռագիրը. 1900

Այդ ծանոթությունից հետո նրանց հանդիպումները հետագայում ևս կրկնվում են և դառնում այնքան մտերմական, որ Այլազովսկին միշտ իր մոտ է Հյուրընկալում արտիստին, իսկ՝ Ադամյանը նկարում է Այլազովսկու դիմանկարը և նվիրում նրան։ Նա 1885 թ. գրում է մի ընդարձակ բանաստեղծություն՝ «Առ Այլազովսքի» վերնագրով, որի մեջ, մեծարելով հանճարեղ նկարչին, գրում է.

...ինչպես որ կնոջ գեղանի
Հարկավոր է մի հայելի,
Որ յուր ձեռքերն աննման
Մեջը տեսնե ու գմայլի,
Նույնպես բնությունն ուզեց գտնել
Իրեն արժան շքեղ հայելի.
Ու քո հանճարն գտավ առավ,
Քո ներկապնակ ճոխ, լեզվանի...

Նկարչի ժամանակակից հայ գրողներից Այլազովսկուն երկու բանաստեղծություն է նիվիրել Հովհ. Թումանյանը։ 1893 թ. «Մուրճ» ամսագրում տպագրված «Այլազովսկու նկարի առաջ» բանաստեղծության մեջ Թումանյանը շափազանց սեղմ, բայց խոր կերպով տալիս է իսկական ծովը հանճարեղ կերպով պատկերող նկարչի կերպարը։

Ելած օվկիանի անզուսպ ալիքներ,
Ծանր հորձանքով զարկվելով գեպ վեր,
Լեռնանում էին, դառնալով ահեղ,
Եվ մրիկն ուժգին շնչում էր այնտեղ.
Անեզր ու անվերջ
Տարածության մեջ:
«Կանգնեցե՛ք» գուշեց վրձինը ձեռքին
Կախարդ ծերունին հուզված տարերքին,
Եվ լուս, հնազանդ հանճարի ձայնին,
Մութ ալիքները, փոթորկի ժամին,
Կտավի վրա
Կանգնած են ահա¹:

¹ Հ. Թումանյան, երկեր. Հատ. I, 1950, էջ 107։

Եղկրորդ բանաստեղծության մեջ, որը հայտնի է «Հ. Այվազովսկու «Սև ծովի ափերը» նկարի առջև» կամ «Մի հառաջանք» վերնագրով, Թումանյանը հայտնում է այն միտքը, որ տեսնելով Այվազովսկու ստեղծագործություններում ծովափնյա ժայռերի պատկերներ, ինքը վերհիշում է իր հայրենի երկիրը՝ «ժայռերը իմ հայրենիքի», և իր անցած կյանքի գեղեցիկ վայրերը...

Ես տեսա հսկա
Տաղանդի մի գործ՝
Անհաշտ Պոնտոսի
Ափերն ալեկոծ.
Տեսա, հիացա,
Եվ սիրոս բացվեց,
Եվ նրա միջից,
Որպես վանդակից
Արծիվը գերի,
Մի կարոտալի
Հառաջանք թռալ,
Ծուխ գարձավ կորավ
Դեպի ժայռերը
Իմ հայրենիքի,
Դեպի վայրերը
Իմ անցած կյանքի :

Հովհ. Այվազովսկուն և նրա ստեղծագործություններին անձնապես ծանոթ է եղել Ալ. Շատուրյանը, որը գրել ու արտահայտվել է նրա մասին մի քանի անգամ: 1898 թ. Մոսկվայում տեսնելով Այվազովսկու ծովանկարների ցուցահանդեսը, Ալ. Շատուրյանը գրում է «Ծովի բանաստեղծը» վերնագրով մի ընդարձակ հոդված, որի մեջ նկարագրելով նրա ծովանկարները, ավելացնում է, որ «Այվազովսկին գեղարվեստական աշխարհի հսկաներից մեկն է... Այդ ստեղծագործությունները պետք է աշբով տեսնել, պետք է ժամերով կանգնել ու նայել նրանց՝ զգալու համար, թե որքա՞ն ուժ և ուրախություն կա նրանց մեջ»¹:

¹ «Փորձ», 1898, № 4:

1900 թ. «Մշակ» թերթում հրապարակած «Սովի կախարդը» սրձակ բանաստեղծության մեջ Այլազովսկու մահվան կապակցությամբ Ալ. Շատուրյանը գրում է; որ «Հանճարեղ հայազգի նկարիչ» Հովհ. Այլազովսկու մահը ողբում են ոչ միայն նրա հայրենակիցները, համայն մարդկությունը, այլև նույնիսկ ծովը, որն այնպիս գեղցիկ կերպով պատկերել է նա իր կտավներում: Նա գրում է, որ «Այլազովսկիները չեն մեռնում: Նրանք իբրև հանճարեղության ներկայացուցիչներ, որոնց բնությունն է կոչում մեկնելու մարդկության իր անթափանցելի գաղտնիքներն, ինչ ասպարեզի վրա էլ որ լինեն, ապրում են հավերժ, որովհետև ծառայում են հավերժին, հոգով ծովզում են հավերժության հետ»: Հայ ժողովրդին ու նրա գեղարվեստական մշակութին մեծ ծովանկարչի մատուցած ծառայություններից մեկն էլ բանաստեղծը համարում է այն, որ Այլազովսկին իր բազմաթիվ, բարձրարվեստ ծովանկարներով «Մեր առաջ բացեց, մեր սրտին մատշելի դարձեց այդ մեծ, այդ բարդ ու անքնին կյանքի բոլոր ծալքերը, բոլոր ելեկչները»¹: Հովհ. Այլազովսկու ծովանկարների ազդեցության տակ Ալ. Շատուրյանը գրում է «Ալեկոծ ծովին» բանաստեղծությունը և այն հրատարակում «Գեղարվեստական ալբոն Հ. Կ. Այլազովսկու հիշատակին» ծովովածուում (1903):

Հովհ. Այլազովսկու մասին գրել ու արտահայտվել են նաև Ալ. Շիրվանզադեն, Լեռն, նկարիչ և գրող Գ. Բաշինչազյանը, գրականագետ Եր. Շահազիզը, ժողովրդական արտիստ Ա. Արմենյանը և շատ ուրիշներ, որոնք ունեցել են անձնական ծանոթություն և հանդիպումներ հայազգի մեծ նկարչի հետ:

Այլազովսկու և Հայ գրողների միջև XIX դարում եղած սերտ, մտերմական-բարեկամական կապերը միաժամանակ նպաստեցին ծովային երգերի արագ ու լայն տարածմանը և զարգացմանը Հայ ազգային բանաստեղծության մեջ: Այդ են հաստատում ոչ միայն Պ. Ադամյանի, Հովհ. Թումանյանի և Ալ. Շատուրյանի վերոհիշյալ բանաստեղծությունները, այլև Դ. Ալիշանի, Պ. Թուրյանի, Ռ. Պատմանյանի, Ս. Շահազիզի, Բաֆֆու, Մ. Մեծարենցի և Ժամանակակից մյուս գրողների ծովային երգերը:

Հովհաննես Այլազովսկին ապրեց 83 տարի: 1848 թ. Պետեր-

¹ «Մշակ», 1900, № 79:

ՅՈՒԳԱՆՅԵՍ ԿՈՍՏԱՆԴԻՎԵԱՆ
Ա. ՅԱԿՈՎՈՒՆ

Ծնված ՅՈՒՐ Տ 1817 'Ի 17 ՀՈՒՆԴ ԱՄՍԻ 3
ՓՈԽ ՅՈՒՐ Ա. Տ. ՏԵՐ. 1900 'Ի 19 ԱՊՐԻԼ.

Հոգի. Արքական գրքի ամսագլ Խնդրութիւն

բուրգում նա ամուսնացավ անգլուհի (լութերադավան) Յովիա
Գրևսի հետ և նրանից ունեցավ 4 աղջիկ, որոնք բոլորն էլ, մոր
դրդմամբ, ամուսնացան օտարազգիների հետ։ Դժգոհ իր այդ կնոշից
Այվազովսկին հետագայում, էջմիածնի սինողի որոշմամբ, մեծ
գժվարությամբ բաժանվում է նրանից և 1882 թվականին՝ 65 տարե-
կան հասակում ամուսնանում է երիտասարդ այրիացած Աննա Բուռ-
նազյանի հետ և ապրում 18 երջանիկ տարիները։ Նա մեռավ 1900 թ.
ապրիլի 19-ին (նոր տոմարով՝ մայիսի 2-ին), իր տանը՝ բազմոցում
նստած ժամանակ, հանկարծ, արյան կաթվածից։ Նրա մահվան լու-
րը կայծակի արագությամբ տարածվեց ամբողջ աշխարհում և բո-
լոր ժողովուրդները սգացին այդ կրոնատը։ Նա թաղվեց մեծ շուրջով,
Թեղողոսիա քաղաքի հայոց ու Գեորգ եկեղեցու բակում։ Նկարչի գե-
րեզմանի մոտ գտնվող ցանկապատին փակցված է մարմարե մի
հուշատախտակ, որի վրա հայերեն գրված է. «Աստ հանգչի մարմին
պրոֆեսոր Յովհաննու Կոնստանտինեան Այվազովսկի, 1817—
1900»։ Նրա գերեզմանի վրա գրված է սպիտակ մարմարից մեծ տա-
պանաքար, որի մի կողմի վրա գրված է. «Յովհաննէս Կոստանդի-
նեան Այվազովսկի ծնեալ յամի տն՝ 1817-ի յուլիս ամսոյ փոխե-
ցաւ առ տէր յամի 1900-ի 19 ապրիլի», մյուս կողմի վրա՝ «Про-
фессор Иван Константинович Айвазовский, 1817—1900» և
դարձյալ հայերեն՝ «Մահկանացու ծնեալ անմահ զյուրն յիշատակ
է թող»։

Այս, Հովհաննէս Այվազովսկին ծնվեց մահկանացու, բայց իր
հանճարեղ ստեղծագործություններով իր մասին անմահ հիշատակ
թողեց։

ԼՈՒՍԱՆԿԱՐՆԵՐԻ ՑԱՆԿ

- Հովհաննեսկու դիմանկարը
Նկարչի մոր՝ Հովհաննեսի դիմանկարը. 1849
Նկարչի հոր՝ Կոնստանդնի դիմանկարը
Թեղոսիա. 1865
Առաջաստանալ. 1845 (սեպիա)
Իններորդ ալիք. 1850
Զենորսները ծովափին. 1852
Գրչանկար
Փոթորիկ ծովափի մոտ. 1850
Փոթորիկ Այա Հրվանդանի մոտ. 1875
Արարատ. 1868
Արարատ լեռան հովիտը. 1882
Արարատ. 1887
Նոյզ իշնում է Արարատից. 1887
Բիգլիս. 1868
Հայերի ջարդը Տրապիզոնում 1895 թ.
Հովկասի կանանց փախցնող թուրքական նավի դրավումը ուստ նավաստիների կողմից. 1888
Բայրոնի այցը Մխիթարյաններին և. Ղաղար կղզում
Հովհաննեսկին արվեստանոցում (լուսանկար)
Ինքնանկար, գրչանկար. 1887
Հովհաննեսկու ձեռագիրը. 1900
Հովհաննեսկու գերեզմանը Թեղոսիայում



ՄԻՆԱՍ ՍԱՐԳՍԻ ՍԱՐԳՍՅԱՆ
MINAS SARKISOVICH SARGSYAN
ՀՈՎՀԱՆՆԵՍ Ա. Յ. Յ.

Հրատ. խմբագիր Ա. Հ. Շաղկամյան
Կազմը՝ Լ. Ա. Սադոյանի
Տեխ. խմբագիր Մ. Ա. Կափլանյան

ՎՖ 04459 հրատ. № 2909, պատվեր 620, տպաքանակ 5000

Հանձնված է արտադրության 22/VIII 1967 թ., ստորագրված է տպագրության 4/IX 1967 թ., տպագրական 4 մամուլ, հրատարակչական 3,12 մամուլ, թուղթ № 1,60×90^{1/16}, Գինը 22 կ.

Հարկական ՍՍՀ գիտությունների ակադեմիայի էջմիածնի տպարան:

ԳԱԱ Հիմնարար Գիտ. գրադ.



220041322

A II
41322